



16
1615
/



1615
卷 1-10

經心書院集



光緒戊子冬仲
湖北官書處刊

經心書院集敘

學術難言也文字之於爲學又難言也課試之作不必有所感而生有所積而後發也其於文字又難言也然而量才評力非此不能得其勤惰明蔽之迹是又不可以已也尋其勤惰明蔽之迹因而致之而奮發磨礱之事隨之以起人材又往往出於其閒作興之機將於是乎在曩者粵之學海堂浙之詒經精舍皆有一集二集三集行世風氣所趨雖未必犁然有當於人人之心要亦極一時作者之選經心書院創立已二十三年余自庚午迄於癸酉肄業其中者四閱寒暑丁亥之冬奉諱里居制軍壽山裕公中丞樂山奎公招余承乏講席余誠欲與鄉邦才俊共覩吾黨之盛亦藉以補余前此荒廢失時之咎欣然適館



經心書院集
非敢抗顏而爲師也書院課藝前山長先師寶應劉先生曾刻一帙未成卷以費絀而止余乃請於制軍中丞因書局手民每課登選數藝隨時刊印以資振厲其各官課係李觀察篁西校閱約以各爲訂定較若畫一懼一人嗜好不足盡文字之變也經心書院顧名思義宜以治經爲先詞章亦必由經學出乃爲有本諸生精研穎異者不少其閒體例時有得失未能盡爲是正院中書籍閒有未備攷一事或不能竟其端委初時蓄意良奢要俟數年歸於醅茂耳既余服闋都中知舊時以書見責本無山澤之姿豈復以林泉自詭拂拭塵衣遂復北上古人云文字之契通於性命此閒之樂亦何能一日忘也乃哀其一年所得釐爲四卷命曰經心書院集此余一人所閱又舊識門徒子

姪輩或引嫌不與齋課又厯在一年內楚材實不盡於此將有續出者可以觀焉光緒十五年上春人日應山左紹佐

繼善成性解

張增齡

辟雍解

周以存

大別攷

王家鳳

郭集琛

張增齡

周以存

李文藻

黃觀恩

張增齡

劉景琳

用九用六說

王家鳳

張增齡

李心地

周以存

錢桂笙

張增齡

石超

周以存

王廷儒

楊介康

高崇煦

屈開埏

王家鳳

劉傳鏞

婁正寅

卷二 經解

白虎通詩說攷

錢桂笙

尚書

陳培庚

張增齡

周以存

姚虞

姚虞

千乘之國解

辯論

陳培庚

蕪韓昌黎守歿書

張增齡

熊汝明

錢桂笙

易書不盡言言不盡意說

陳培庚

學案

張增齡

楊介康

常兆璜

卷三 論著

國先生全集書後

刺會堂

荀卿論

陳培庚

楊介康

苗嶼齋

錢桂笙

張增齡

卷二

陳會望

尹家楣

黃觀恩

經學家法論

朱筠聲

長善下盡百法手盡意結

張增齡

婁正寅

周以存

讀韓昌黎守戒書後

李文藻

勸樹桑議

黃觀恩

科舉論

李心地

苦熱行

蕭樹聲

謝林工將前韻正首

高崇煦

經義治事異同論

嚴用彬

擬陶淵明讀山海經詩一首

陳會望

歸會文五公疏

石之超

讀張楊園先生全集書後

陳培庚

卷四 詩賦

陳登庸

擬韓昌黎感春四首

姚夏虞

擬韓昌黎感春四首

李文照

擬韓昌黎感春四首

陳培庚

陳之茂

李文熙

夏良材

陳曾望

朱筠聲

陳之茂

舒福清

黃觀恩

劉景琳

王家鳳

黃觀恩

謁會文正公祠 五言排律一首

擬杜工部諸將五首

苦熱行 七古用昌黎山石韻

擬左太冲招隱詩二首 賦 吳為贈

石超

陳培庚

王家鳳

陳嗣賢

姚汝說

萬縈

陳培庚

姚音虞

陳培庚

李心地

陳培庚

擬陶淵明讀山海經詩一首

苦寒效昌黎次原韻

擬宋玉釣賦

錢桂笙

陳曾望

張極翔

積雨賦

以積雨空林煙火遲為韻

陳培庚

石致中

楊昌萃

劉向校書賦

以啓發篇章校理祕文為韻

邱兆華

雲夢賦

以楚有七澤嘗見其一為韻

陳曾望

陳之茂

舒福清

經神賦

以明識經旨能若神矣為韻

李心地

斗閒紫氣賦

以寶物之精上徹於天為韻

王廷儒

楊介康

朱希文

張序賓

余培麟

徐第瀛

彭承驥

宋玉悲秋賦

以風流儒雅亦吾師為韻

石超

陳會望

彭邦禎

有物混成賦

以有物混成先天地生為韻

陳略

陳碩甫云意疑噫之壞字以鄭从韓也大雅皇矣崇墉言言毛
 言言高大也箋言言猶孳孳將壞兒崇墉仇仇毛仇仇猶言言
 也釋文引韓詩仇仇搖也詰猶言言則將壞亦韓義此改詰者
 也其文義俱異者毛鄘風君子偕老邦之媛也傳美女為媛韓
 作援箋邦人所依倚以為援助也陳風衡門可以樂飢傳可以
 樂道忘飢韓詩樂作療箋作瘵云泌水洋洋飢者可飲以瘵飢
 彼澤之陂有蒲與蘭傳蘭蘭也韓詩溱洧以蘭為蓮箋蘭當作
 蓮凡皆依韓為說此文義俱改者也今案文異義同者摧莖頰
 濱狄剔古今字也摧傳云挫也正義挫即剉剉古莖字摧挫音
 濱狄剔本作莖釋文作芻頰說文作頰云水厓也濱集韻水際也
 義皆相近故摧亦為莖頰說文無濱字張揖字詁云頰今濱則頰
 濱一也說文述古文作邊詩抑篇用邊蠻方箋改字作剔箋易
 則鄭氏剔為邊邊之今文為述狄述一字故狄亦為剔也

摧為莖者說文莖斬芻也申毛義之為斬芻也易頰為濱者以
 水類字人所不習漢時多作濱故改作濱从人所習易狄為剔
 者韓狄作髣剔者髣之今文儀禮四髣去蹄注今文髣為剔髣
 胡墨莊儀禮古今文疏義漢書司馬遷傳髣毛髮嬰金鐵受辱文選作剔毛
 髮髣剔一字皆狄之別字也釋文狄遠也摧莖頰濱毛用古文
 鄭从韓易以今文也狄髣剔韓用今文鄭又易以韓之今文也
 文同義異者相鼠序刺無禮也故曰無禮曰無儀曰無止無止
 韓所謂無禮節也毛謂無所止息則詞不類故易之小口詩亦
 曰止禮者鄭以下文靡廬為無法無禮與無法對文也抑者毛
 無傳蓋謂詞也箋云噫此皇父則如咨爾殷商噫嘻成王之比
 於義或然言言仇仇如毛義則臨衝本所不用不應言之今詩

言衝則是用此攻城是將壞之義正義說故从韓矣文義俱異者
 媛之與援樂之與療於義求之皆韓說為長簡之為蓮正義曰
 以上下皆言蒲荷此章亦當言荷不宜別據他草今考簡在山
 韻與卷帽不叶蓮與卷帽同部而韓適以簡為蓮文義俱叶故
 竝易之也陳恭甫謂鄭學博大網羅眾家擇善而從故箋毛亦
 閒宗韓義昔人王子雍趙伯循之徒反以此病其改字亦未知
 鄭無無本之學也又鄭君注禮在治毛詩之先禮注引詩皆三
 家義晚箋毛詩有禮注从三家箋仍宗毛者如樂記注引皇矣
 莫其德音用韓詩箋仍依毛作貊莫貊古字通左傳德正應和日貊
 此類甚多蓋時之先後非歧頭別出也

鄭君箋詩多以韓易毛說

二月分齋課 楊介康

司農先通韓詩受於東郡張恭祖見鄭志答吳模六藝論及後
 漢書本傳臧在東謂鄭本習魯詩而以范史為非然攷北堂書
 鈔引續漢書亦云受韓則范掾本諸司馬彪也禮記經解注亦
 其箋詩所易傳誼兼用三家而韓說為多賈滌州孔冲遠王伯
 也非大指以音義通段為主陳恭甫謂鄭君明於聲音文字訓詁
 通借之源是矣茲為櫛比義類斟詮訓故旁蒐兼綜而總為之
 說有以詰訓之字易之者如君子偕老邦之媛也以媛為援十
 月之交抑此皇父以抑為意之類是也案媛韓作援云取也見
 釋文余正釋訓美女為媛郭注曰所以結好援詩疏引孫注君
 子之援助然說文媛美女也人所欲援也馮柳東三家詩異文

疏證謂媛本有援義取當是助之誤是也陳恭甫左海文集郝蘭皋余正義疏並同
 又案釋文抑徐邈音噫韓詩云意也惠定字九經古義云意即噫也又云抑本與意通蔡邕石經論語云意與之與古文意作抑据此則意抑二文音義本通也有以段借之字易之者如衡門可以樂飢以樂為癩泮水狄彼東南以狄為別抑箋之類是也
 案樂韓作療見外傳釋文引說文云癩治也療或癩字也然則癩為正體字療為或體字疑樂即癩之省段字但毛訓樂道其誼互異耳馮柳東謂古本皆作癩外傳作療療與癩同字陳恭甫亦云癩與療同得其義矣又案狄韓作髮云除也見釋文髮者剔之本字剔者髮之聲借字狄者逃之省字逃者剔之段音也惠定字云邊古文逃見說文義雲章又作愁訓為剔又云

逃訓遠見余正或从狄省文也馮柳東引皇矣釋文剔或作髮莊子馬蹄篇剔之崔本作髮以為剔與髮同者得之鄭君士喪禮注訓髮為解竝云今文髮作剔惠定字謂韓从古文是也陳長發毛詩稽古篇既云此文改之無妨文義又以為不如王申毛為遠義所見始偏有以音近之字易之者如谷風無以下體以體為禮車攻東有甫草以甫為圃從釋文今本鄭箋作甫之類是也案體韓作禮見外傳今本外傳作體鄭君此箋與禮坊記注異蓋注禮在前箋詩在後彼疏所謂注記時未見毛傳不知是夫婦之詩也禮體古字通馮柳東引釋名韓詩外傳謂禮本有體訓又引廣正釋言禮體也謂本韓詩今从之也又案甫韓作圃齊風甫田同見楊子竝見文選東都賦注後漢班固傳注薛君釋圃為博與毛義同

馬融傳注以圃為圃陳恭甫馮柳東均辨其誤矣錢辛楣引杜預注皆圃名以為古本未譌實則圃圃亦訓誥字也馮柳東引左傳釋文甫本亦作圃而云甫圃通文陳長發亦云甫圃古通用鄭本韓詩阮芸臺校勘記謂水經注王逸楚辭注引作圃乃韓詩斯為近之有以音轉之字易之者如思齊古之人無斃以斃為擇有瞽應田縣鼓以田為棘之類是也案斃韓作擇見呂氏讀詩記釋文毛音亦狀也鄭作擇古人作字義即存乎其聲凡从睪之字音義俱近如書顧命王不懌馬融本作不釋釋文莊子齊物論南面而不釋然說文云釋解也史記多作釋之類皆然校勘記云考此經字自當作斃斃以斃為擇之段借是矣至引臧玉林說謂董氏所云竊取鄭箋殊不盡然馮柳東以為此箋與條枚箋

當是韓說其言亮矣又案鄭以田為聲轉字誤改作棘陳石父毛詩傳疏以為本三家詩馮柳東三家詩異文疏證補遺本周禮注詩異字異義及臧在東說以為此句當入韓詩今因之攷鄭君周禮禮記注郭景純余正釋樂注丛引詩作棘說文申部云艸擊小鼓引樂聲也从申東聲案凡字多左形右聲今本說文申在東右疑後人傳寫誤之毛詩棘作田者孔疏云棘字以東為聲聲既轉去東惟有申在申字又去其上下故變作田也然則古本古誼俱作棘不作田陳長發所謂改之有補文義者也毛而舉之縷而析之其可通者則古今正俗之文展轉通借之義也其不盡同者則方言之殊師法之異焉耳淺人乃謂其妄改經字不亦慎乎至於鄭君它注亦多宗韓故以不列於詩置弗錄云

者無論也說並詳惠氏九經古義及馮氏三家詩異文疏證馮疏又載東有圃草延于條枚二文謂韓詩甫作圃施作延箋訓甫草為鄭甫田之草施為延蔓皆用韓說攷韓詩或詩章句謂圃草為博大之茂草與毛傳義同圃甫通段字韓或借圃為甫鄭云甫田雖易毛未必從韓詩凡施于中谷施于松柏施皆有延蔓意此云延蔓雖同韓不必其易毛也又吉日其祁孔有毛傳祁大也箋云祁當作慶余正樊舍人注引詩其慶孔有馬氏玉爾山房韓詩故謂鄭從韓亦非是樊注本魯詩詳見臧氏拜經日記若子衿篇子曰不嗣音韓詩作詒音云寄也此鄭用魯詩也

曾不寄問也箋云曾不傳聲問我是用韓義而較傳訓嗣為習者勝矣鴛鴦篇摧之秣之韓云秣委去聲也箋云無事則委之以莖是用韓義而較傳訓秣為粟者勝矣鱓之篇云度之薨薨韓云度填也箋云桴聚壤土盛之以藁而投諸版中斯即韓所謂填者而毛訓度為居則義異矣武之篇云耆定爾功韓讀者巨移反箋云老也斯亦讀巨移反而毛訓耆為致則音異矣凡斯

之類見諸釋文正義者甚夥由是推之箋所稱當作某讀為某讀如某之類全書百餘文其大半宜出於韓餘亦皆齊魯之舊文漢經師之古義而已夫鄭箋雖遵暢毛旨而意有未安未嘗不易一說以求是雖易一說未嘗不有所據而不苟此學之所以度越諸儒也自齊魯亡於魏晉韓詩至北宋亦亡學者無由攷鄭說之所自遂疑其以臆見改經相與詆其惟議其齟齬而多失亦何弗達之甚哉

或從犬爾雅釋文又謂泥亦作坭狂之與狂泥之與坭異而同者也若禮記經解注更明引韓詩內傳矣凡此皆注禮用韓詩之塙證也第其箋詩亦多有以韓易毛者如卷耳篇我姑酌彼兕觥毛云兕觥角爵也疏引異義韓詩說云觥亦五升所以罰不敬此韓與毛異也箋云觥罰爵也是以韓易毛矣相鼠篇人而無止毛云止所止息也釋文載韓詩云止節無禮節也此韓與毛異也箋云無止則雖居尊無禮節也是以韓易毛矣皇矣篇無然畔援毛云無是畔道無是援取釋文載韓詩云畔援拔扈也此用葉石林鈔本他本作武強也然亦與鄭箋拔扈義近此韓與毛異也箋云畔援猶拔扈也或作跋是以韓易毛矣然此猶意義之不同也更有於箋中顯易其字者如君子偕老篇邦之媛也釋文載韓詩媛作

援箋云媛者邦人所依倚以為援助也此用相臺本考文古是本他本援亦誤作媛是

不特非毛傳美女之義直欲易媛為援字矣衡門篇可以樂飢

韓詩外傳樂作療箋云泌水之流洋洋然飢者見之可飲以療

飢此用宋小字及相臺本考文古本同正義是本不特非毛傳樂

道之義直欲易樂為療字矣車攻篇東有甫草後漢書班固傳

注引韓詩甫作圃文選東京賦注引同箋云甫草甫田之草也鄭有圃田

此用明監本及汲古閣本他本俱譌作甫田是不特非毛傳甫大之義直欲易甫為

圃字矣思齊篇古之人無斃呂氏讀詩記引董氏曰韓詩斃作

擇陳長發臧玉林阮文達俱謂此條竊取鄭箋不足信但王伯厚詩攷宋守端韓詩內傳徵馮柳東三家詩異文疏證皆沿

亦從之箋云口無擇言身無擇行是不特非毛傳斃厭之義直

欲易斃為擇字矣然亦有徑易其字者如泮水篇狄彼東南釋

文載韓詩狄作鬣箋云狄當作剔按儀禮士喪禮注云今文鬣爲剔漢書司馬遷傳云鬣毛髮嬰金鐵受辱文選作剔毛髮是箋云當作剔者卽以韓之鬣易毛之狄也又如澤陂篇有蒲與蒲箋云蒲當作蓮說者莫敢定爲何家之本今按溱洧篇方秉蒲兮釋文載韓詩云蒲蓮也則太平御覽及爾雅釋草疏所引有蒲與蓮自是韓詩無疑是箋云當作蓮者亦以韓之蓮易毛之蒲也又如有瞽篇應田縣鼓箋云田當作棘臧在東先生謂此亦本韓詩今按周禮大師注及禮記明堂位注俱引詩應棘縣鼓以康成注禮用韓詩之說準之則臧先生之言不爲無見况郭璞之注爾雅引詩遵彼汝濱與後漢書周磐傳注所引韓詩合引詩實命不同與韓詩外傳及釋文所載韓詩俱合而釋

樂注引詩應棘縣鼓則謂爲韓詩愈可徵信是箋云當作棘者亦以韓之棘易毛之田也箋之以韓易毛者如此其他以韓申毛以韓補毛者尙不能更僕數又况韓之內傳旣亡鄭用韓而今不可攷者更不知凡幾乎抑又聞之匡衡習齊詩者也漢書列傳載其疏文引詩君子好仇是毛作述齊作仇也而箋則云怨耦曰仇箋又讀他人是愉之愉爲偷讀素衣朱繡之繡爲綃解豔妻爲厲王后解阮祖共爲三國名俱與魯詩合則參稽四家之證特用韓較夥耳竊嘗謂鄭君生平學術箋詩宗毛而往往易毛與其受學於馬融而往往以融說爲非皆足見其博大昌明非後世章句小儒支離附會所可同年而語者

鄭君箋詩多以韓易毛說
 夫詩者羣書之鈐鍵而小學之津梁也後世不通小學故後世
 益不見詩康成小學之精者也於何知之於其箋詩知之於其
 箋毛詩而以韓易毛知之衡門篇可以樂飢毛傳作樂韓傳作
 療文選王元長策秀才文注引鄭箋作療說文療治也或作療
 此其以韓易毛者一十月之交篇抑此皇父毛傳作抑抑懿音
 近義同段借字也韓傳作意鄭箋抑之言噫此其以韓易毛者
 一思齊篇古之人無斃毛傳作斃音亦厭也韓傳作擇鄭箋不
 言字誤則此經本有作擇者擇斃亦段借也此其以韓易毛者
 一泮水篇狄彼東南毛傳狄遠也與書邊矣西土之邊同訓韓
 傳作鬻訓除鄭箋作剔訓治此其以韓易毛者一約舉數事餘

鄭君箋詩多以韓易毛說

二月分齋課
超等第五名陳曾望

夫詩者羣書之鈐鍵而小學之津梁也後世不通小學故後世
 益不見詩康成小學之精者也於何知之於其箋詩知之於其
 箋毛詩而以韓易毛知之衡門篇可以樂飢毛傳作樂韓傳作
 療文選王元長策秀才文注引鄭箋作療說文療治也或作療
 此其以韓易毛者一十月之交篇抑此皇父毛傳作抑抑懿音
 近義同段借字也韓傳作意鄭箋抑之言噫此其以韓易毛者
 一思齊篇古之人無斃毛傳作斃音亦厭也韓傳作擇鄭箋不
 言字誤則此經本有作擇者擇斃亦段借也此其以韓易毛者
 一泮水篇狄彼東南毛傳狄遠也與書邊矣西土之邊同訓韓
 傳作鬻訓除鄭箋作剔訓治此其以韓易毛者一約舉數事餘

可類推後世不明作箋之旨而或謂韓優於毛或謂毛優於韓二千年來喙爭不息無定論吾以爲韓出毛之前則寫定近古毛承韓之後則義訓益精互有得失互有短長孰短孰長孰得孰失不習之久安能辨之審不辨之審安能擇之精又或謂康成初從東郡張恭祖學韓詩以韓易毛崇師授也如斯說則康成箋韓詩可也何必箋毛詩然康成箋詩實不盡同毛義而其間有所易有所不易惟其易而不易者見惟其不易而易者又見周以降書體六七變寫官主之寫官誤則勇易漢置羣師羣弟子利祿之門爭以異文起其家是妄易也則勇易其所易若夫七十子之三四傳經師皆口授不著竹帛異字博矣不能擇一以定則不易三百篇段借之字最夥其本字什八可求什二

不可求必求本字以改段借字則天子考文之責也則不易寫官誤矣疑之且思而得之但羣書無佐證則又不易揆其大要則以義解字以字解經兩言而已矣毛與韓時代不遠文已歧出鄭在韓毛四百年後而欲定四百年上之語言文字不至如秦越人之相語則豈非小學之功也哉韓詩先在京師立學官經邇人審定爲完書而毛僅僻在河間平帝末年始出又遭新禍雖立學官固有未暇寫定者而其義乃最精好此康成所以作箋所以以韓易毛之本旨歟

鄭君箋詩多以韓易毛說
 古之說經皆有所本固非若後之望文生義嚮壁虛造比也鄭
 君箋詩有與毛傳異者大率多用古訓魏太常王肅以為與毛
 義違攻之不遺餘力厥後王基駁王而申鄭孫毓為詩評評毛
 鄭王肅三家同異朋於王陳統又難孫而述鄭紛紛攻許皆未
 能得其要領唐宋諸儒若賈公彥孔穎達王應麟雖謂鄭君注
 禮用韓詩且有言其與箋詩異者近儒臧氏玉林經義雜記謂
 鄭箋某讀為某某讀若某本三家詩或據他經傳改易至惠氏
 定宇九經古義則謂鄭箋宗毛亦閒有從韓魯說者錢氏竹汀
 陳氏恭甫之說亦同而臧氏拜經乃謂鄭箋禮注多用魯詩斥
 范史本傳通韓之說恭甫寄書駁之是矣案後漢書康成傳云

鄭君箋詩多以韓易毛說

二月分齋課 超等第六名 周以存

古之說經皆有所本固非若後之望文生義嚮壁虛造比也鄭
 君箋詩有與毛傳異者大率多用古訓魏太常王肅以為與毛
 義違攻之不遺餘力厥後王基駁王而申鄭孫毓為詩評評毛
 鄭王肅三家同異朋於王陳統又難孫而述鄭紛紛攻許皆未
 能得其要領唐宋諸儒若賈公彥孔穎達王應麟雖謂鄭君注
 禮用韓詩且有言其與箋詩異者近儒臧氏玉林經義雜記謂
 鄭箋某讀為某某讀若某本三家詩或據他經傳改易至惠氏
 定宇九經古義則謂鄭箋宗毛亦閒有從韓魯說者錢氏竹汀
 陳氏恭甫之說亦同而臧氏拜經乃謂鄭箋禮注多用魯詩斥
 范史本傳通韓之說恭甫寄書駁之是矣案後漢書康成傳云

從東郡張恭祖受韓詩北堂書鈔引續漢書亦云受韓詩則諸家之所言用齊用魯者大率臆斷或因其說與他經傳所引齊魯詩合遂指爲用齊魯詩安知鄭所用韓說不多與齊魯同耶且鄭受韓詩一見於後漢書再見於續漢書似此確有明徵自當以用韓詩爲允今謹就馮氏柳東三家詩異文疏證馬氏竹吾韓詩考陳氏碩甫毛詩傳疏魏氏默深詩古微中取其與毛異與鄭同者分爲句字章義二類以爲證焉其句字之用韓者如北門王事敦我毛傳敦厚鄭箋敦猶投擲也釋文韓詩云敦迫案迫與投擲義相近相鼠人而無止毛傳止所止息也鄭箋止容釋文韓詩止節無儀節也案無節卽無容之謂君子偕老邦之媛也毛傳美女爲媛鄭箋媛者邦人所依倚以爲媛助也

釋文韓詩作援援取也案取與助義相近鶉之奔奔毛傳鶉則奔奔鶉則彊彊然鄭箋奔奔彊彊言其居有常匹飛則相隨之貌釋文韓詩云奔奔彊彊乘匹之貌案鄭云常匹相隨卽韓乘匹之義清人二矛重喬毛傳重喬累荷也鄭箋喬子矜近上及室題所以縣毛羽釋文喬鄭居橋反雉名韓詩作鶉案鄭云縣毛羽卽縣鶉之毛羽故其名爲喬子矜子口不嗣音毛傳嗣習也鄭箋嗣續也女曾不傳聲問我釋文韓詩作詒詒寄也會不寄問也案正義申鄭云言汝何曾不嗣續音聲傳問於我卽韓寄問之謂衡門可以樂飢毛傳樂飢可以樂道忘飢鄭箋飢者見之可飲以瘵飢案韓詩外傳作療療與瘵同字此詩釋文云治也瘵或瘵字也蓋以瘵爲瘵之或體字故相臺本於注可飲以瘵飢之瘵作療澤

陂有蒲與蘭毛傳蘭蘭也鄭箋蘭當作蓮案鄭據韓詩改作蓮
 釋文於溱洧之蘭引韓詩云蓮也則此處之蘭韓當作蓮節
 南山威威靡所騁毛傳騁極也箋云威威然雖欲馳騁無所之
 也薛君章句騁馳也見王伯厚詩考案鄭即用此說鴛鴦摧之秣之毛
 傳摧芻也鄭箋摧今莖字也古者明王所乘之馬繫於廐無事
 則委之以莖有事乃予之穀釋文引韓詩云委也案即鄭委之
 以莖之義角弓見睨日消毛傳睨日氣也鄭箋至日所出其氣
 始見釋文韓詩作瞻云瞻見日出也案鄭日出其氣始見即韓
 見日出之謂縣度之薨薨毛傳度居也鄭箋度猶投也釋文韓
 詩云填也義並相近據陳氏碩甫說皇矣無然畔援毛傳無是畔道無
 是援取鄭箋畔援猶拔扈也釋文韓詩云畔援武強也案武強

即拔扈之義韓奕有倬其道毛傳有倬然之道者也鄭箋今有
 倬然著明復禹之功者釋文倬明貌韓詩作倬音義皆同案鄭
 以倬為著明疑鄭用韓詩之倬有瞽應田縣鼓毛傳田大鼓也
 鄭箋田當作曠案鄭注周禮春官太師引詩作應曠縣鼓郭注
 爾雅引詩亦同當是韓詩陳氏碩甫以此為三家詩馬氏竹吾魏氏默深皆列入韓詩中今從馬魏
作韓詩泮水狄彼東南鄭箋狄當作別案儀禮四鬯去蹄注云今
 文鬯作別釋文韓詩云鬯除也鄭之別即韓之鬯此句字之以
 韓易毛者也其章義之用韓者如蝦蟇毛序謂止奔正義以為
 能止當時之淫奔韓詩序曰刺奔女也見王詩攷引後漢書注箋於不知
 命也下云淫奔之女大無貞絜之信又不知昏姻當待父母之
 命惡之也然則惡之云者即刺之之義也山有扶蘇毛以二章

皆言用臣不得其宜鄭以上章言用之失序下章言養之失所
 易林徐幹中論引韓詩此說並同鄭箋不任用賢者反任小人
 之誼據魏氏默深東門之墀毛序謂男女有不待禮而相奔藝
 文類聚及御覽並引韓詩言東門之外栗樹之下有善人可與
 成室家即鄭箋此女望男來迎已之辭伐木毛序謂燕朋友故
 舊箋言昔日未居位在農之時與友生於山巖伐木為勤苦之
 事即見王詩攷用韓詩序勞者歌其事之說引文選注十月之交雨無正
 小口小宛毛序皆為幽王詩鄭以為厲王詩謂作詁訓傳時移
 其篇第案正義謂鄭言為毛公所移四篇容可在此今韓詩亦
 在此者詩體本是歌誦口相傳授遭秦滅學之後眾儒不知其
 次齊韓之徒以詩經而為章句與毛異耳或見毛次於此故同

之焉案正義雖以韓詩篇次同於毛而意頗不然之然則鄭之
 改幽為厲者殆用齊韓說也瞻彼洛矣毛序以刺幽王思古明
 王能爵命諸侯賞善罰惡白虎通引韓詩內傳諸侯世子初受
 爵命之詩箋說蓋本此意早麓毛序謂周之先祖世傳后稷公
 劉之業大王王季申以百福千祿焉鄭譜列於文王之詩案即
 薛君章句文王盛德之說閔予小子毛以為成王將泄政而朝
 於廟之詩箋用韓義謂除武王之喪將始即政朝於廟據詩古
 此章義之以韓易毛者也然則鄭之與毛異者蓋用韓說為多
 他如朱裸為朱綃侵阮阻共為三國名皆齊魯說疑韓說中亦
 作是解耳六莠論謂鄭注詩宗毛為主毛義若隱略則更表明
 如有不同即下已意然則下已意者其即以韓易毛之謂乎

晉地道志曰濟自大伾入河與河水鬪南溢為滎澤與鄭云濟
沈滎波出入自大伾者合則大伾宜在成皋張揖諸說是也黎
陽山既不一成而說亦晚出恐近傅會矣降水班固以為在信
都鄭君以為即淇水鄭引地說云大河東北流過降水千里至
大陸為地腹信都出大陸不容此數故讀降為下江反聲轉為
共故共水即降水地理志曰淇水出共東至黎陽入河溝洫志
曰遮害亭西十八里至淇水口此古淇水入河之口即禹河北
過降水之處過此則宿胥口禹河從此折而北流北過降水蓋
紀北流之始此又鄭說之宜從者也史記禹以為河所從來者
高水湍悍難以行平地迺斷二渠以引其河孟康云二渠其出
則河之經流也其一則漯川也案禹斷二渠猶後世之開引河
不得以經流當之近人魏默深以二渠為今大小清河大清河

為古漯水小清河為古濟水濟之通河在今河南沁水縣水經
河水東過成皋縣北濟水從北來注之注河亦東經懷縣於
縣南濟水出東郡東武陽是也水經河過高唐縣東注河水於
志漯水注之高唐今山東禹城縣此晉時河道禹河不至禹城
也二瀆受河一在大伾一在降水之東故史記敘在大伾下降
水上然則大伾之不在黎陽北載之高地過降水至於大陸王
降水之非即枯澤益可見矣
橫云禹之行河水本隨西山下東北去杜佑曰西山太行恆山
也地理志河內郡山陽東太行在西北野王太行在西北常山
郡上曲陽恆山在西北山陽今河南修武縣野王今懷慶府治
河內縣上曲陽今直隸曲陽縣二山連延歷河南懷慶衛輝彰
德直隸大名順德正定諸府東北接碣石禹導河行其山足所
謂載之高地而今修武及淇縣皆故大陸地呂氏春秋有始覽
淮南地形訓皆以
大陸鉅鹿為二地呂覽云晉之大陸注魏獻子所田又云趙之
鉅鹿注廣阿澤也春秋左氏定元年傳魏獻子田于大陸還卒

經解

于甯杜注云疑此田在汲郡吳荒蕪之地甯今修武縣吳澤在
 北此修武有大陸也水經注引晉地道記云紂都在禹貢冀州
 大陸之野紂都今淇縣東北近居太行之麓蓋即引河北行之
 朝歌城也此淇縣有大陸也始自此以下則自宿胥口北行水經注河水自淇口東至遮害
 亭又有宿胥故瀆舊河水北入處也淇水注瀆受河於遮害亭
 東黎山西黎山即巨瓚所謂大伾在今河南濬縣東南遮害亭在濬縣
 西北宿胥故瀆出其中聞史記衛世家封康叔為衛君居河淇
 閒故商墟即古朝歌城在濬縣西南淇縣東北淇水逕其西河
 水逕其東是宿胥口即禹河之證自此北經彰德府治安陽縣
 河亶甲之相都也書序河亶甲居相後為河所圯此安陽有禹
 河也宿胥故瀆又北經臨漳縣東臨漳漢鄴縣殷墟在南楚語
 武丁自河徂亳韋昭云從河內徙都亳也河內即鄴南殷墟亦

經河圯此臨漳有禹河也地理志魏郡鄴故大河在東蓋西漢時故道猶有存者宿胥故
 瀆又北經順德府東史記殷本紀祖乙遷于邢其後盤庚又自
 邢遷于亳邢杜佑曰即邢州為今順德府亦為河徙圯此順德
 有禹河也凡此皆書說在周定王前可考者也大陸澤在順德
 府鉅鹿縣境禹河自宿胥口至此約五六百里以古尺度計之
 將及千里故班鄭皆以此為大陸孫炎曰大陸鉅鹿北廣河澤
 河所經蓋此澤本禹河之所匯故亦名廣河酈元又以為自甯
 迄於鉅鹿出於東北皆為大陸則以其皆緣西山之麓故得通
 稱而禹貢大陸仍當從班鄭也順德以東九河故道案許商云
 徒駭在成平胡蘇在東光鬲津在鬲縣成平今直隸交河縣東
 光今甯津縣鬲縣今山東陵縣交河最北陵最南九河故道皆

包絡其中蓋今河間府滄景德隸等州皆有禹迹分流至天津
 府鹽山縣漢章武縣合為逆河入于海其分播之始水經注云大河
 故瀆東北逕元城縣西北沙邱堰漳水也播為九河自此始
 酈元以王莽河為禹河故其言云然然沙邱堰去鉅鹿尚百餘
 里安得自此遂播為九程大昌曰自大陸以北河播列為九亦
 不能實指其處 國朝胡氏謂以漳水為徒駭謂水經所敘自
 平恩嶺東邱縣以下皆徒駭故道即禹河故道河播為九當即在
 此周定王時河徙自東光南皮浮陽絕八枝而北合徒駭漢人
 指此為逆河此九河之所同指為禹河則是指為禹河之逆河
 則非矣逆河即渤海與碣石竝淪於海今不可得而指也古今
 言禹河者惟胡氏致為詳審今謹略探其說以為篇惟不從其

大伾在黎陽降水為漳水者王橫所言西山胡氏不取杜佑而
 以為黎陽西山案道山言太行恆山至於碣石臣瓚曰河入海
 舊在碣石道河行太行恆山之足以達碣石入海道適相竝胡氏
 以宿胥故瀆為自溝即淇水水經淇水又東北逕同山東明一
 統志同山在濬縣西南四十五里新志云其麓綿亘四十餘里
 有龍脊岡岡之西有山相輔而行西屬太行曰達西岡蓋山脈
 相連常百千里臨河諸山大氏皆與太行恆山相屬不必近在
 咫尺故別從杜氏至河道之遷徙胡氏云自禹告成之後下迄
 元明凡五大變而暫決復塞者不與焉一周定王五年河徙宿
 胥口東行漯川至長壽津與漯別行而東北合漳水至章武入
 海水經所稱大河故瀆者也二王莽始建國三年河決魏郡泛
 清河平原濟南至于乘入海後漢王景修之遂為大河之經流
 水經所稱河水者也三宋仁宗時商胡決口河分為二派北流

合永濟渠至乾甯軍入海東流合馬頰河至無棣縣入海二流迭為開閉宋史河渠志所載是也四金章宗明昌五年宋光宗紹熙五年年河決陽武故隄灌封邱而東注梁山灤分為二派一由北清河即大清河入海一由南清河即泗水入淮是也五元世祖至元中河徙出陽武縣南新鄉之流絕三十六年會通河成北派漸微及明宏治中築斷黃陵岡支渠遂以一淮受全河之水是也蓋河自大亾以上禹迹至今未改大亾以下時有變易自周迄明略盡於胡氏之言矣

禹河故道遷徙攷

三月分齋課超等第二名陳嗣賢

粵稽神禹有作上闢龍門中分濟漯下疏九河河之勢由西而南南折而東東折而北書曰北播九河同為逆河入于海其故道也商之中葉相邢頻圯至遷都以避之逮周季年齊呂闕九河之入以自廣又有於滎陽下引河東南為鴻溝者河水力微不足刷沙潞水北流勢緩故徙漯川至長壽津又與漯別行東北至東光縣西又北與漳水合則碣石逆河漸淤故徙由章武入海案宿胥以北即鄴東故大河蓋禹河本由相鄴而北過潞西漢時河已不行故漢書云故大河其宿胥口徙流至長壽津與漯別行而東北合漳水水經所謂大河故瀆者則周以後迄西漢所行也蔡傳云河徙碣石固無所據即漢武帝時徙流二胡氏禹貢雖指以漳水全屬禹河亦未詳也皆在東郡魏郡間尚由章武入海至成帝時入平原千乘則益

徙而東已不復入章武故胡氏禹貢錐指以河出千乘爲禹河
再徙但謂千乘之徙自新莽三年始則猶未當也鴻嘉始建國
渤海清河信都魏郡之溢北流未絕迨明帝永平修汴渠而平
原千乘之道專流矣晉河自河東河內之南界東北經汲郡頓
邱陽平平原樂陵之東南入海本杜預左傳釋例蓋晉時河道
也河東河內之南卽榮陽界樂
陵今爲山東武定府之
樂陵縣卽千乘郡界蓋汴渠成後東漢大河至此未嘗改道
也隋煬帝大業元年開通濟渠自西苑引穀洛達於河復自坂
堵引河歷榮澤入汴又開永濟渠引沁水南達於河北通涿郡
名曰御河汴渠首榮陽古榮陽今榮澤河陰二縣地坂堵在今
汜水縣東北二十里沁水本從今榮陽縣北武陟縣
東入河隋後濬之用以濟運通東漢河至此雖未徙流然亦已
濟出汴之下御河出汴之北

小變矣唐景福以前決冀隸稍東自下益南蓋唐有馬頰河於

清豐縣西南首受大河東北流至安德縣南合篤馬河東北歷
樂陵無隸入海猶汴渠樂陵千乘之舊跡至昭宗景福二年改
從臨黃朝城聊城南而東逕無隸縣南六十里東北逕馬谷小
山東入海此五代決溢所以多在滑州濮州臨黃陽穀東阿以
東也夫自周世宗濬汴通淮泗曹濟而宋橫隴商胡張澤灤諸
決溢胎之矣橫隴之決自澶州逕陽穀東阿而東尋唐景福以
後之道也商胡之決自澶州歷魏之東北逕恩冀北至乾甯軍
入海尋隋永濟渠及古清河之道也二股河又商胡之岐出東
流逕恩冀東至樂陵入海尋唐景福以前馬頰河之道也自直
河開而水勢增漲乃大決於澶淵曹州封邱間而北流斷絕遂
匯張澤灤分爲二派一合北清河入海一合南清河入淮北流

永濟渠至乾甯軍入海者也北清河則泗水蓋自漢武時決瓠
子東南注鉅野通淮泗後周世宗濬五大渠過曹濟注梁山泊
以通青鄆及太平興國八年決滑州泛澶濮曹濟而東南入淮
天禧三年決滑州注梁山泊合清水入淮始然則河之入淮積
勢已非一日至元豐六年自洪澤以上開龜山裏河以達入淮
而金章宗明昌五年決自陽武灌封邱以東則徐邳清口之道
闕矣元至元二十三年河徙陽武奪渦入淮新鄉之流既絕而
會淮入海遂爲經流至明洪武二十四年決原武經開封項城
潁州潁上抵壽州正陽鎮全會於淮以入海正統十三年決滎
陽一出曹濮以東尋後周曹濮之蹟也一出陳留以南尋元奪
渦入淮之道也宏治二年決原武一自封邱至曹濮一自中牟

下尉氏一自蘭陽至宿州仍尋正統十三年之決而小變之曰
昂雖塞封邱金龍口築陽武隄引河達淮濬汴入睢而北流未
斷故宏治五年復有張秋之決及劉大夏築大行隄張秋之決
塞而入淮之流始專然河本北流後世漸挽而南張秋之道仍
不遽舍故正德八年決黃陵岡決曹縣二十六年北徙至再支
派縷分迨潘季馴六起治河總以不失入淮故道爲要我朝
因之自康熙以來時而開中河時而開下河時而又開海口南
河之道豁如咸豐初河決蘭儀北岸銅瓦廂全河之水由決口
北徙與大清河合流入海復東漢王景治河故道此古今河道
遷徙之大較也綜而觀之由夏及殷及周河之在北者也至定
王而南徙矣自漢武導河北行復禹舊跡至唐世未常變逮五

季之衰河乃自北而東矣遷延至於宋世河又自東而南矣熙豐以後時決而北議者欲復禹蹟仍未果降至金元明勢且日趨於南而不可挽矣夫河利北不利南由禹至周定王千七百年無河患由漢至於唐無患者亦幾千年餘則屢決屢溢患且不能更僕數亦可見河道宜存禹蹟而遷徙者未可視為故常也今幸北行垂數十年矣尋故道而規復之是在講求河務者

禹河故道遷徙攷
三月分齋課
超等第三名周以存

禹河故道詳於禹貢及史記河渠書漢書溝洫志禹貢不載二

渠之處史漢於至于大伾不言禹以為河所從來者高水湍悍難以行平地數為敗乃斯二渠以引其河北載之高地過降水至大陸案禹斯二渠自黎陽宿胥口始一北流經大伾山西者為大河一東流過大伾山南者為漯川是為禹河之故道溝洫

志載王橫云禹之行河水本隨西山案隨西山即大伾山之西與史班引河北周譜云定王五年河徙則今所行非禹之所穿也載之說同此指自宿胥口案禹河自周定王時決宿胥口東徙漯川逕長壽津與漯別行東北至成平復合於禹故河水經注大河故瀆至東光縣故城西而北與此河徙之始而由大伾山西逕黎陽內黃列人以達於漳水合

漳之流遂斷自漢至今未之能復周所徙之河至王莽始建國三年枯竭改從千乘入海水經注所謂自涼城縣長壽津東逕甲下邑入海是也後漢王景修汴渠因之而由長壽津以達東光之流遂斷水經所謂黎陽縣南河之故瀆出焉蓋指此也厥後宋慶曆八年河決商胡而漢唐之河徙金明昌五年河決陽武故隄灌封邱東注梁山灤分爲二派北派由北清河入海南派由南清河入淮而宋之河遷元至元中河徙出陽武縣南奪過入淮而新鄉之流斷明宏治中河決衝張秋劉大夏築大行隄以禦之河一趨於南而入淮北由胙城長垣趨海之道絕禹貢雖指例略及附論歷代徙流其說甚詳蓋河愈徙則禹跡愈失幸馬班引河北載之高地及王橫隨西山下東北去之說可據猶克考證經傳以徵其實案禹河自龍

門以至洛汭從古未嘗遷徙今河所經皆其故道其自大伾之東遷徙特甚故道自汲縣宋李垂上導河形勢書請自汲郡東開復西東北流入黎陽縣界漢書地理志黎陽引晉灼云黎山讓云從黎陽北盡魏界故大隄去河遠者數十里內亦數至大重此皆前世所排也然則黎陽爲禹河故道所經地也至大伾山西南折而北爲宿胥口水經注云宿胥口北逕舊水所入也又東過內黃水經注云內黃縣故城石對黃澤即賈讓所見內黃故城在今縣西北澤大方數十里環之有隄者也胡氏謂內黃縣界疑此爲禹河之所經河徙鍾爲黃澤逕鄴地理志魏郡東北由列人達漳流至肥鄉縣界入河肥鄉本漢列人縣也此禹貢所謂北過洺水者也水經所敘漳水自平恩以下皆禹河之故道自斥漳又東北逕平恩曲周以至鉅鹿其西畔爲大陸史記正義云大陸澤在邢州及趙州界一及河南徙漳水循名廣河澤一名鉅鹿澤孫炎曰河所經也

河故道而下至成平東北復與大河合水經注云漳水自阜城縣北至成平縣南又東北入清河謂之合口蓋南皮浮陽界中東漢以後之清河即大河故瀆其下九河漢時僅存其三而逆河久淪於海薛氏謂舊在平州石城縣東九河故迹以地理志許商所云九河之名有徒駭胡蘇鬲津今見在成平東光鬲界中自鬲以北至徒駭間相去二百餘里今河雖數徙不離此域之說推之太史馬頰覆釜三河當在成平之南東光之北簡潔鉤盤三河當在東光之南鬲縣之北如地理志渤海郡成平下云虡池河民曰徒駭河東光下云有胡蘇亭平原郡鬲下云平當以為鬲津通典云馬頰覆釜在平原郡界又云安德縣有覆釜河一統志云太史河在南皮縣北史記正義云簡在貝州歷亭縣界輿地廣記云簡潔在臨津元和志棣州陽信縣鉤

般河經縣北四十里皆明證也然則九河遷徙淪亡不知始自何代班固云自茲距漢北亡八枝大抵河自周定王時南徙九河來源日少或通或竭至許商時亡其六至班固時則存其一今並其一亦無存且禹河入海處雖經周時遷徙尚循其舊至莽時改由千乘入海而碣石故迹亦湮此禹河遷徙而故道可考之大略也

書武帝紀云元光三年春河水徙從頓邱東南流入渤海資治通鑑

刪去入渤蓋向經頓邱西北者至是遷於東南矣此用程氏大

海三字生謂頓邱之決口不勞而塞無所據且地理志魏郡館陶下注

紀文明用徙字自與尋常決溢有別云河水別出為屯氏河成此疑此為禹故道與班說異東北至

章武入海閻百詩先生云此武帝元封二年壬蓋自宣防塞後

復北決於館陶故分為此河河自是入海之路迥非禹舊矣史

河渠書云卒塞瓠子築宮其上名曰宣防而道河北行二渠復

禹舊迹誤以西漢見行之河為禹河也辨見黃潛夫先生日記

錄集王莽傳云始建國三年河決魏郡泛清河平原濟南至千

乘入海成帝建始四年河決館陶入平原濟南千乘河平三年

又決平原入濟南千乘雖經塞治而水道猶存故復大此決於自是大伍以東故道盡湮矣後漢書循吏王景傳云遣景

與王吳修渠築隄自滎陽東至千乘海口千餘里事在明帝永平十二年

此則因王莽時河決之迹而偏用禹河潔渠之故道也水經注

云二渠一則潔川今所流也是也自是之後幾及千年河無大

變其閒惟舊流於渤海東南者遷流於渤海西北太平寰宇記

云黃河在勃海縣西北六十里景福二年後河水移道是也迨

五代而河患又作矣薛史晉開運元年六月丙辰資治通鑑滑

州河決漂注曹單濮鄆等州之境環梁山合於汶濟歐陽史云

環梁山合於汶濟資治通鑑無濟字說者曰河於此乃自北而東也此顧亭林迨

宋而河事益紛紛矣仁宗慶厯皇祐之閒河決澶州商胡廣五

百五十七步分為二派合馬頰河至無棣縣入海者是謂東流

合永濟渠至乾甯軍入海者是謂北流神宗熙甯之初道東流

而北流閉矣元豐四年而河復北流哲宗紹聖之初北流又閉

矣元符二年而河竟北流其時未及復禹故道者幾希耳宋史
 河渠志序云自滑臺大伾嘗兩經汎溢復禹蹟矣一時姦臣建
 議必欲回之俾復故流竭天下之力以塞之蓋傷之也迨金以
 後而河遂不可挽矣金章宗明昌五年即宋光宗紹熙五年也
 故用金年號河決陽武故隄灌封邱而東又分爲二派由北清河入
 海者是爲北派由南清河入淮者是爲南派元至元二十五年
 會通河成南派盛而北派漸微矣明宏治五年黃陵岡築北派
 絕而南派專行矣以一綫之清口受萬里之長河禹迹至此蕩
 然無存矣此禹河故道遷徙之略也他若決而旋塞不可謂之
 遷徙與夫遷徙而無關於禹河故道者俱不著於篇

繼善成性解

四月分齋課
超等第一名張增齡

周易舊注迄無完帙矣其猶得考見梗概者則李鼎祚集解之
 功實出陸德明釋文上也繫辭傳云繼之者善也成之者性也
 漢魏諸經師之說俱不存其存者惟集解中虞仲翔數語而已
 然其藉此傳以明消息之義孔穎達左傳正義云伏羲作十言
 消息之說由來尚矣頗稱精當恐前有說者亦爲所竝包也漢魏言易者
 其遺文可考者三家鄭氏康成荀氏慈明虞氏荀較鄭爲密矣
 然虞興而後消息之旨乃大昌明於世虞固世傳孟氏易而又
 具見鄭荀之書得今謹依其說而疏證之以僭補惠氏棟述此
 書不盡用虞義而用虞義者爲多張氏惠言周易虞之未備其
 如此條則解成之者性句用虞義張氏惠言之未備其
 說云繼統也謂乾能統天生物坤合乾性養化成之故繼之者
 善成之者性也按繼統也者漢書賈山傳云自以爲過堯舜統

顏師古集注引如瀉曰統繼也統可以訓繼則繼自可以訓統
 此於六書為轉注辨轉注者紛如聚訟近如段氏玉謂乾能統
 天生物者虞氏補說卦逸象散見於各注者多至三百餘條震
 漢上易集傳云秦漢之際易亡說卦孝宣帝時河內女子發屋
 得說卦古文至後漢荀爽集解又得八卦逸象三十有一據此
 疑說卦本不完之書於益象傳則云乾為善於大有象傳則云
 故虞所補逸象尤多乾為揚善於坤文言傳又云乾為積善
 乾為積善故知此傳之善為指乾而言也乾象傳云大哉乾元
 為句不詞故知此傳之善為指乾而言也乾象傳云大哉乾元
 萬物資始乃統天雲行雨施品物流形集解引九家易云乾者
 純陽眾卦所生天之象也此乾能統天生物之說也坤合乾性
 養化成之者乾象傳又云乾道變化各正性命保合大和乃利
 貞乾性陽坤性陰曰乾道變化則乾與坤通而陰陽合德矣說

文云惟初太極徐鉉本作始道立於一造分天地化成萬物一
 者元也何劭公公羊傳解詁云乾元資始父道也坤元資生母
 道也娠身者母致養者坤此用姚氏致養於坤元而萬物化成
 矣虞氏既濟注云六爻得位各正性命保合大和故利貞矣革
 注云以成既濟乾道變化各正性命保合大和乃利貞恆彖傳
 注云初二已正四五復位成既濟定乾道變化各正性命是虞
 以此傳所云為乾象傳之本而即以乾象傳所云為成既濟之
 本也乾鑿度云物有始有壯有究故三畫而成乾乾坤相竝俱
 生物有陰陽因而重之故六畫而成卦此言乾坤六位之正也
 而初乾二坤三乾四坤五乾上坤虞氏繫辭第八章其體適與
 既濟合易始於太極終於既濟未濟六爻失位則又陽分為以

既濟復太極之體所以示終而復始周流無竟也繼之者善成之者性消息之原於是乎在張氏惠言撰周易虞氏消息據此傳注以定參天兩地之象不徒爲虞氏功臣亦深明乎聖人言繼善成性之故矣

繼善成性解

四月分齋課
超等第三名周以存


易繫辭繼善成性古之解此者見存二家一虞氏仲翔一孔氏冲遠仲翔之說曰繼統也謂乾能統天生物坤合乾性養化成之故繼之者善成之者性也此以卦體而言也冲遠之說曰善是順理養物故繼道之功者唯善行若能成就此道者是人之本性若性仁者成就此道爲仁性知者成就此道爲知也此以卦理而言也顧言理每易涉於虛言體則必徵於實孔雖可從不若虞爲足據茲特以虞爲宗而兼採眾說以推闡其義案毛檢討仲氏易云繼道者善也乾元坤元皆善長也繼善而成之者性也成已成物皆性生也此以乾元坤元爲善之長謂乾健坤順皆陰陽之德故可以善言雖與虞氏統以乾爲善之旨小

異然以乾元為善亦合於九家易坤者純陽配坤生物亦善之始之說故於虞義無乖也惠徵君周易述云此注雜引眾說兼舉虞義其疏謂乾為善亦孟氏說卦逸象說坤化成物天生之而地成之坤成乾性此則專釋虞說深能抉其奧安者也焦孝廉易通釋云凡兩卦旁通皆陰陽相偶以陽易陰以陰交陽終則有始謂之續終繼即續也成兩既濟而終止無復一陰一陽相對是但有形器而無道惟成性之後而又存存前者未終後者已始柔剛迭用至於無窮如坤成屯屯通鼎鼎成遯遯通臨臨又成屯此道地繼之者善也鼎成遯遯上之屯三成既濟此形也成之者性也又云終則有始故善必有所繼原始要終故性必期其成此說雖顯與虞異然其推行之法仍用互體即虞坤合乾之

義也姚文學周易學云繼續也六十四卦相受不外陰陽而終成既濟故繼之者善性陰陽之性卦爻若成其陰陽故成之者性此與焦說相合仍不外乎虞義者也至若張編修周易虞氏義則專以虞為宗其曰一陰一陽皆統於乾元大哉乾元萬物資始乃統天此釋乾能統天之說其曰乾為性乾非坤化性亦不成此釋坤合乾性養化成之之說也又曰乾坤合德以立道人以乾善之統資坤之化以成性故率性之謂道皆能申明虞說竊謂乾之為德乃統天道與天合化本九家卦之易釋乾說故陽氣為萬物之所始起於坎而終於離發揮變動旁通於坤坤來入乾以成六十四卦本陸績說故坤之陰氣起於離而終於坎坎離乾坤之家而陰陽之府陰陽相合而為乾坤重善相繼而成化以盡

性所謂乾道變化各正性命保合太和者也參用荀爽及九家易說又爻初為善以為爻之始猶人之始性善之謂春秋元命苞曰陰陽之性以一起一即初也白虎通曰性者陽之施論衡云性生於陽說文云性人之陽氣性善者也乾有六陽故其性皆善是謂積善繫辭曰善不積不足以成名漢議郎元賓碑云乾之積善是也然乾以六陽而配坤之六陰故參伍錯綜而變成六十四卦也蓋道生一一生二二生三三才既備而乾象以成然後萬物受始於乾此謂繼善也坤以至柔而承乾剛故乾二居坤五為含坤五居乾二為宏坤初居乾四為光乾四居坤初為大是以品物咸亨各遂其性此謂成性也然則孔氏之言性為仁知雖就下文仁知而言然性實備萬善不獨仁知已也故宋儒亦

不之從則虞說誠允矣



辟雍解

五月分齊課
超等第一首 王家鳳

辟雍本作辟雍亦作辟離作雍者从隸文改也其見於經者詩靈臺云於樂辟雍文王有聲云鎬京辟雍禮記王制云天子曰辟雍諸侯曰頡宮靈臺毛傳云水旋邱如璧以節觀者鄭氏箋詩泮水亦云辟雍者築土離水之外圓如璧四方來觀者均也與毛同其注禮則云辟明也雍和也與箋詩異白虎通引詩訓云水圓如璧又云辟者璧也象璧圓以法天也雍者壅之以水象教化流行也辟之言積也積天下之道德雍之為言壅也壅天下之殘賊也外圓者欲使觀者平均也又欲言外圓內方明德當圓行當方也五經異義引韓詩說云辟雍者天子之學圓如璧壅之以水示圓言辟取辟有德不言辟水言辟離者取其

此本義也於是因辟雍之內禮樂諧和又訓為和召南曷不肅
 也因學有移郊移遂之法又訓為壅殘賊非皆引伸之義乎猶
 之明堂本取正位國南嚮明而治為義而又引伸之以為明政
 教明尊卑也殷制大學在郊周制大學在國故鄭氏以詩靈臺
 辟雍為在西郊詩疏引鄭駁異義以文王時為殷諸侯也王制云大學
 在郊鄭則以為殷制以其與周制異也然鄭言殷制注文在大
 學在郊句下不在天子曰辟雍節下知辟雍為天子學非殷制
 矣如殷以辟雍為天子學文王安得有辟雍哉後儒混解辟雍
 頌宮皆殷制非鄭義也陳氏奭詩毛氏傳疏云文王為殷諸侯
 故周以諸侯之大學亦仍殷制在郊魯頌之泮宮是也今案王
 制此文上云天子命之教然後為學明主諸侯立說則所云大

學在郊者當亦周制陳說較鄭為精其謂天子曰辟雍諸侯曰
 頌宮者天子乃是帶說以見諸侯大學之名與天子異非統承
 上文以天子辟雍亦在郊也若大學在郊則偏承上文天子命
 之學專指諸侯大學也至若辟雍與明堂太廟理當各在一處
 漢明帝立三雍乃混為一則當時儒臣考古之疏也質之於經
 多不合云

辟雍之義以詩毛傳為得解大雅靈臺篇於樂辟靡傳云水旋
 邱如璧以節觀者毛公之學傳自子夏其說必有所受韓嬰同
 時人亦云辟離者圓如璧壅之以水示圓五經異義引韓詩
說下引韓詩說同白
 虎通引詩訓亦云水圓如璧凡皆此說之最古者鄭氏詩泮水
 箋云辟靡者築土離水之外圓如璧四方來觀者均也正義釋
 箋云築土為堤以壅水之外使圓如璧令四方來觀者均故謂
 之辟靡又云箋言築土壅水四方來觀者均說水之外畔靈臺
 傳云水旋邱如璧以節觀者說水之中央互相發見言四方來
 觀者均則辟靡之宮內有館舍外無墻院也凡此皆所以申明
 毛義者謹案辟壁離靡雍壅或古字通或古今字辟雍與三靈

辟雍解

五月分齋課
超等第三名 郭集琛

辟雍之義以詩毛傳為得解大雅靈臺篇於樂辟靡傳云水旋
 邱如璧以節觀者毛公之學傳自子夏其說必有所受韓嬰同
 時人亦云辟離者圓如璧壅之以水示圓五經異義引韓詩
說下引韓詩說同白
 虎通引詩訓亦云水圓如璧凡皆此說之最古者鄭氏詩泮水
 箋云辟靡者築土離水之外圓如璧四方來觀者均也正義釋
 箋云築土為堤以壅水之外使圓如璧令四方來觀者均故謂
 之辟靡又云箋言築土壅水四方來觀者均說水之外畔靈臺
 傳云水旋邱如璧以節觀者說水之中央互相發見言四方來
 觀者均則辟靡之宮內有館舍外無墻院也凡此皆所以申明
 毛義者謹案辟壁離靡雍壅或古字通或古今字辟雍與三靈

同詠臺取高篆文皆為高之省圍取口沼取水俱象其物以命名則辟

雍亦取象壅水如璧審矣解者謂三靈辟雍同處在郊詩疏引鄭駁五

經異義又謂即壅靈沼之水以為辟雍五經異義引左氏說義皆近是至辟

雍之設白虎通以為大學韓詩說以為天子之學教天下春射

秋饗尊事三老五更說文以為天子饗飲段注饗飲者鄉飲酒也歷代相

沿並祖此說於是因天子太學生義或以辟為明靡為和禮王制鄭

注或以辟為君正義或以辟為辟有德韓詩說或以璧圓象天

壅水象教化流行又以辟為積積天下之道德雍為壅壅天下

之殘賊並白虎通訓詁皆有据義亦與毛不甚悖然非其命名之本

也辟雍兩見於詩皆無設教之意惟王制記學謂天子曰辟靡

諸侯曰頴宮說辟雍為天子太學實始於此王制乃漢文帝命

博士諸生所作不足定為古禮文周禮言成均瞽宗孟子言庠

序學校俱無辟雍之名戴氏震詩攷正謂辟雍如誠學校重典

不應周禮孟子不一及之因据春秋傳鄭伯享王於闕西辟史

記豐鎬有辟池周頌于彼西雝傳雝澤也譙周曰成王作辟上宮古

銘識有曰王在雝上宮斷辟雍為作宮池澤之上因水為名又

据趙岐孟子注云雪宮離宮之名也宮有苑圍臺池之飾禽獸

之饒因謂靈臺靈囿靈沼與辟雍連稱亦文王之離宮閒燕則

遊止肄樂於此不必以為太學其詞甚辨胡氏承珙毛詩後箋

引戴說又据周禮閭人囿游鄭注以囿為御苑游為離宮賈疏

引詩靈囿為證謂辟雍既與三靈同處在郊詩疏引鄭駁異義亦謂當在西郊

今案二王之後來助祭在周有天下之後而曰西雝鄭伯享王

在春秋時而曰闕西辟則武王鎬京辟雍與文王辟雍俱在西
郊可知周制大學在國不當在郊西郊有小學之虞庠不當又
有學名辟雍孔疏謂辟雍即虞庠陳氏與謂國與郊學皆有辟雍俱調停之說梁惠王立沼上
顧鴻雁麋鹿孟子引靈臺詩為言此沼上當亦梁離宮則戴胡
說不妄也天子諸侯游宴不能無止息之所故作宮其中既不
禁芻蕘雉兔則游時觀者必多而離宮又不比朝廟闊深恐野
人不識禮度參錯於內故就沼壅水於外以節之圓則觀者四
方遠近均也游止肄樂理固宜然愚又以為苑囿必有田獵之
事事畢亦當作樂或觴客於此亦當作樂所謂賁鼓維鏞於論
鼓鍾及鼗鼓逢逢矇瞍奏公者不必解為合樂養老自亦可通
夫後人討論古制必以古經為憑詩周禮孟子俱無可據以證

辟雍為學故毛傳言不及此王制所言誠不能免考古者之疑
矣又辟雍之堂曰明堂經文亦無左驗朱氏駿聲曰凡堂之高
明者皆謂之明堂舊說以辟雍明堂牽合太廟為一非也見所著說
文通訓汪氏中明堂通釋亦析辟雍明堂別為一類內見述學並
定聲可正漢三雍之失夫辟雍與太廟為二袁準論之詳矣詩靈臺正義禮
明堂位正義並引準說至禮記昭穆篇所云太學為明堂之東序大戴記
盛德篇所云明堂外水曰辟雍亦俱難信蓋謂明堂外亦環以
水辟雍內有堂亦曰明堂理或有之遂混而為一則夫九九八
十一尺之堂其東序能幾何而可容多人講學乎善夫汪氏中
之言曰周衰禮廢名實相淆學者各記所聞遂成異義可謂論
世有識者矣

之古同形... 水... 益... 西... 文... 則... 矣... 報...

辟雍解

五月分齋課 張增齡

詩靈臺篇傳云水旋邱如壁曰辟雍

役篇引作辟雍此本證也爾雅釋天云在戊日著雍雍釋文作

天子曰辟雍謂流水四面如壁藝文類聚引新論云王者始

圓以象壁雍以水內如復外如堰盤焉玩索諸說是辟雍之辟

從壁得義三輔黃圖云亦曰壁雍謂其字亦作璧是也

帝紀雍於上聞也之雍同義集注云雍讀曰壅是也

多此舉其最在前者又五行志云靡河三日不流又白虎通義云皆靡江水集注俱云靡讀壅故作靡而義亦同

辟雍篇云辟者壁也象壁圓以法天也雍者壅文選開居賦之注引作擁以水象教化流行也辟之言積也積天下之道德雍之為言壅也壅天下之儀則儀則舊作殘賦今依盧氏文昭校改此前一義與雍字後一義俱從舊義引伸而出惟辟之言積其說甚新然瑞贊篇此篇名舊作文

質今依莊氏述祖校改又云壁之為言積也則訓辟為積亦與壁義不背詩靈臺篇疏引五經異義云韓詩說辟靡者天子之學圓如壁

壅之以水示圓言辟取辟此辟字當讀為辟舉之辟曰辟有德與下文靡和皆於辟壁壅壅之外別立一義阮文達校勘記謂此字當作壁未是有德不言辟水十行本正義此下言辟誤衍言辟水三字

靡者取其靡和也此前一義亦與舊義全合惟曰辟有德曰靡和則韓氏一家之說鄭康成曾從張恭祖受韓詩故其注禮記

王制篇云辟明也靡和也所以明和天下與韓義近而與其注水箋義迥別矣康成先通韓詩後治毛詩其注禮在箋詩前故箋注不合者甚夥竊意辟雍之

本義終不在此而在彼也此辟雍之義也大戴禮盛德篇云明堂者所以明諸侯尊卑其此字依注外名此字舊本俱作水今禮記玉藻篇正義引盛德記云其外名曰辟雍注氏蓋據此補正也然明堂位篇正義所引其外多有水二字詞義似更見完足且不必改去水字未審注氏所以棄曰辟雍文選東京賦取之意今亦不敢擅定姑附存其說於此曰辟雍文選東京賦注引三輔黃圖此書佚文散見於各書者甚夥云大司徒宮馬奏曰明堂辟雍

其實一也藝文類聚引三輔黃圖又云明堂者明初學記引無此字道之堂也初學記引無此字所以順四時行月令宗祀先王祭五帝故

謂之明堂辟雍圓初學記引初學記引如壁雍以水異名同事其實一也是以辟雍與明堂為一也詩靈臺篇疏引五經異義又云左氏說

經解

經解

天子靈臺在太廟之中壅之靈沼謂之辟雍是以辟雍與太廟
 為一也又引盧植禮記注云明堂即太廟也天子太廟上可以
 望雲氣故謂之靈臺中可以序昭穆故謂之太廟圓之以水似
 璧十行本正義故謂之辟雍古法皆同一處近世殊異分為三
 耳又引穎子容春秋釋例云太廟有八名其體一也肅然清靜
 謂之清廟行禘祫序昭穆謂之太廟告朔行政謂之明堂行饗
 射養國老謂之辟雍占雲物望氣祥謂之靈臺其四門之學謂
 之太學其中謂之太室總謂之宮又蔡邕明堂月令論云取其
 宗祀之清貌則曰清廟取其正室之貌則曰太廟取其尊崇則
 曰太室取其堂則曰明堂取其四門之學則曰太學取其四面
 周水圓如璧則曰辟雍異名而同事其實一也是又以辟雍與

明堂太廟為一也按史記封禪書云濟南人公玉帶上黃帝時
 明堂圖元和姓纂通志氏族略云黃明堂圖漢書郊祀
 一殿四面無壁以茅蓋通水郊祀志圓宮垣宮垣之外有水圓
 之即所謂辟雍也此辟雍與明堂為一之證也左氏僖公五年
 傳云公既視朔遂登觀臺諸侯之觀臺即天子之靈臺也禮記
 篇正義引服虔舊注云天子曰禮記天子頒朔於諸侯諸侯藏之祖
 靈臺諸侯曰觀臺又見通典禮記天子頒朔於諸侯諸侯藏之祖
 廟至朔朝於廟告而受行之禮記今視朔與登觀臺并
 書則觀臺與太廟同在一處可知詩靈臺篇疏引袁準正論云
 也今玩其文義如不同處則當曰遂往或曰遂禮記諸侯之觀臺得
 如不當曰遂登日遂登則同處無疑袁說未允諸侯之觀臺得
 與太廟同在一處則天子之靈臺亦與太廟同在一處可知天
 子之靈臺得與太廟同在一處則與靈臺同處之辟雍此說亦

亦與太廟同在一處可知此辟雍與太廟為一之證也又桓公二年傳云是以清廟茅屋明堂固以茅蓋屋矣據大戴禮盛德類篇及詩靈臺篇疏引韓詩說禮記玉藻明堂位正義所引古周禮孝經說又公玉帶所上明堂圖見上今日清廟茅屋是太廟即明堂也合前二證則辟雍與明堂太廟為一之證也此辟雍之制也明乎辟雍之義則知異說紛靡俱從本義引伸而出明乎辟雍之制則知周以前之辟雍與後世之於明堂太廟而外別立辟雍者不同拘滯以求之均之失也

辟雍解

五月分齋課超等第九名周以存

辟雍之解有三曰制曰義曰字制之異說者十二義之異詁者三字之異形者三何謂制之異說詩靈臺於樂辟靡毛傳水旋邱如璧曰辟靡以節觀者泮水鄭箋云辟靡者築土澼水之外圓如璧四方來觀者均也韓詩說辟靡者天子之學圓如璧壅之以水示圓言辟取辟有德不言辟水言辟靡者取其澼和也史記封禪書天子曰明堂辟雍集解韋昭曰水外四周圓如辟雍蓋以節觀者也桓譚新論王者作圓池如璧形實水其中以圓壅之名曰辟雍言其上承天地以班教令流轉王道周而復始蔡邕明堂月令論取其周水圓如璧則曰辟靡又云水環四周言王者動作法天地德廣及四海也三輔決錄辟雍水四周

於外象四海也李尤辟雍銘惟王所建方中圓外清流四布蕩滌濁穢御覽引禮統云辟雍之制奈何王制曰辟雍圓以象璧雍以水內如覆外如堰盤也通典五經異義云辟雍謂之土壅水外圓如璧故曰辟雍詩疏引盧氏禮注云圓之以水如璧漢官儀曰辟雍四門外有水以節觀者漢崔駰傳注辟雍環之以水圓而如璧也周禮大宗伯注璧圓象天又水所以流行故取義於天與教流行也此以辟雍為有水其說一通典引唐有司議云大戴禮及前代說辟雍多無水又戴延之西征記洛陽南有平昌門道東壁牆去靈臺三里亦不言有水此以辟雍為無水其說二案無水之說非是魯詩云水圓如璧白虎通引詩訓陳氏立以為魯詩說蔡邕云水廣二十四丈四周於水外周堤禮明堂陰陽錄水

行左旋以象天水廣二十四丈恐傷於闕請減二十四步班固東都賦辟雍詩曰乃流辟雍辟雍湯湯聖皇莅止造舟為梁則辟雍有水之明證也又大戴禮盛德篇明堂外水曰辟雍何得言大戴禮有無水之說也禮王制韓詩白虎通皆謂辟雍為天子之學廣韻云辟雍天子教宮教即學也禮玉藻疏云辟雍是學也此以辟雍為學名其說三說文辟雍天子饗飲辟雍五經通義曰天子立辟雍者何所以行禮樂宣德化教導天下之人使為士君子養三老事五更與諸侯行禮之處也孝經鉤命決曰天子臨辟雍親割牲以尊三老楊氏慎謂辟雍非學名引說文為證以為與詩義合又以王制天子曰辟雍為漢文帝時曲儒之說不可信孟子曰夏曰校殷曰序周曰庠學則三代共之

使天子之學曰辟雍爲周之制則孟子固言之矣近儒戴氏震亦言辟雍於經無明文漢初說禮者規放故事始援大雅魯頌立說謂天子曰辟雍諸侯曰泮宮如誠學校重典不應周禮不一及之而但言成均瞽宗此詩靈臺靈沼靈囿與辟雍連稱抑亦文王之離宮乎閒燕則游止肄樂於此不必以爲大學於詩詞前後尤協此以辟雍非學之名其說四案白虎通云天子立辟雍何所以行禮宣化也說苑修文篇云天子辟雍諸侯泮宮所以行德化初學引新論云王者造明堂辟雍所以承天分化王沈辟雍頌唐虞三代威崇辟雍養老之制也後漢書明帝紀永平二年上始率羣臣躬養三老五更於辟雍行大射之禮饗射畢帝正坐自講諸儒執經問難於前然則辟雍之行禮宣化

養老射饗無非學也故可以學名之也蘇氏引莊周言文王有辟雍之樂遂以辟雍亦爲樂名而曰古人以樂教胄子則未知學以樂而得名歟樂以學而得名歟則是又以爲習樂之所此以辟雍爲樂名其說五案莊子此說無證故蘇氏亦不能釋然自不可從王制大學在郊天子曰辟雍孔穎達詩疏云王制言大學在郊乃是殷制其周制則太學在國大學雖在國而辟雍仍在郊何則囿沼魚鳥所萃不終在國中也辟雍與大學爲一所以得太學移而辟雍不移者以辟雍是學之名耳王制疏引熊氏云文王之時猶從殷禮辟雍大學在郊白虎通辟雍篇云大學者辟雍鄉射之宮此以辟雍爲大學其說六禮記玉制養庶老於虞庠鄭注虞庠小學周立小學西郊疏引劉氏云周之

小學為辟雍在郊詩疏云周立三代之學虞庠在國之西郊則周以虞庠為辟雍矣此以辟雍為小學其說七案辟雍本兼大學小學而言周之大學有四曰上庠曰東序曰瞽宗曰成均文王世子云秋冬學羽籥皆於東序又云禮在瞽宗書在上庠又云於成均以及取爵於上鄭注以東序上庠為大學引董仲舒曰五帝名大學曰成均明堂位謂瞽宗為殷學陳氏與謂明堂位之瞽宗即殷之辟雍此大學為辟雍之證也周之小學亦有四在西郊大戴禮及書大傳所云小學有東學南學西學北學是也孔氏詩正義謂不必常以大學為辟雍小學亦可故陳氏與以詩有聲之辟雍為即周四郊之小學靈臺之辟雍為大學非無見也又振鷺于彼西雝先儒謂辟雍在西郊故曰西雍桂氏復謂王制養庶

老於虞庠虞庠在國之西郊是則西郊乃周之小學此小學為辟雍之明證也五經異義載韓詩說辟雍者天子之學所以教天下春射秋饗尊事三老五更在南方七里之內立明堂於中五經之文所藏處又大戴禮盛德篇云明堂者所以明諸侯尊卑者外水曰辟雍此以辟雍與明堂為一其說八異義又載左氏說天子靈臺在太廟之中壅之靈沼謂之辟雍此以太廟與辟雍為一其說九詩疏引盧氏禮注云明堂即太廟也天子太廟上可以望雲氣故謂之靈臺中可以序昭穆故謂之太廟園之以水似壁故謂之辟雍古法皆同處近世殊為三耳顏子容春秋釋例云肅然清靜曰清廟行禘祫序昭穆曰太廟告朔行政曰明堂行饗射養老曰辟雍占雲物望氣祥曰靈臺其四門

之學則曰太學蔡邕月令論賈逵服虔注左傳皆同此又以祖廟明堂與辟雍為一其說十鄭康成駁之以為三靈辟雍同在郊太廟為一地明堂為一地袁準五經正論引王制之文以證大學小學所在自以辟雍在西郊與鄭氏說同此以三靈與辟雍同在郊其說十一案近儒陳氏立謂郊特牲云釋於庫門之內周禮小宗伯右社稷左宗廟是宗廟在雉門之外若明堂則有在東都者有在方岳之下者若太廟同處則立祖廟於千里之外時享月祭將何以行辟雍王制明言小學在公宮南之左大學在郊詩疏引馬氏說以明堂在國之陽丙己之地其不得與辟雍為一又明矣此說頗能明發鄭說誠允然矣宋儒張氏謂辟雍古無此名其制蓋始於此故周有天下遂以名天子之

學而諸侯不得立焉此以辟雍為周所創其說十二案辟雍為殷制王制鄭注云然諸儒皆從是說不得謂始于周也凡此皆制之異說者也何謂義之異詁鄭注王制云辟明也靡和也所以明和天下正義曰釋詁云辟君也君則尊明靡和也釋訓文云所以明和天下者謂於此學中習學道藝欲使天下之人悉皆明達諧和案韓詩亦訓靡為和鄭君此釋蓋用韓詩說其義一白虎通云辟者璧也象璧圓以法天也雍者壅之以水象教化流行此即毛傳之義詩疏云璧體圓而內有孔此水亦圓而內有地猶如壁然漢世諸儒多用此說其義二白虎通又云辟之言積也積天下之道德雍之言壅也壅天下之儀則一本作殘賊一故謂之辟雍也後漢書祭祀志注引此文作儀則又漢書多以

雍爲壅如武帝元帝紀注並云雍讀曰壅是也其義三案壁水三義舉其形制而言明和與積壅之義就其事理而言三義固自可通凡此皆義之異詁者也何謂字之異形毛詩禮記並作辟靡史記封禪書作辟雍續漢志禮儀志作辟雍鹽鐵論繇役篇引詩並作辟雍此雍靡之異字者說文辟牆也徐鍇韻譜靡靡靡繫傳云靡所謂靡靡通作辟洪武正韻辟靡說文作辟靡李縉明日辟雍說文作辟靡藝文類聚引作辟靡案說文有辟字舊本辟字當作靡此辟靡之異字者陳氏奐云靡與離通引振鷺之離作證案西離先儒皆謂辟雍故陳以爲通用字也此靡離之異字者案此三字形雖小異其義自可通無容岐視凡此皆字之異形者也然則辟雍之爲學名誠如王制之說辟雍

之兼大小學誠如孔疏之說辟雍之不與太廟明堂同處誠如鄭氏之說今並從之經傳又有單言辟單言雍者如史記封禪書云禮濤有昭明天子辟池索隱云卽周天子辟雍之地故周文王都鄴武王都濤旣立靈臺則亦有辟雍耳張衡亦以辟池爲雍周鼎銘曰王在辟宮獻工錫章左氏莊二十一年鄭伯享王於闕西辟譙周曰武王作辟上宮此單言辟者也詩有西離古銘識有曰王在離上宮此單言離者也要皆可謂之辟雍無庸生其疑議以矜異聞也

在今之漢陽不在今霍山也然則漢志何以言大別在安豐也
魏氏源書古微斷漢志安豐下禹貢大別山在西南為後人據鄭注妄增大意謂果班書原有此文杜預當引漢志不當云或曰在安豐以疑之孔穎達讀漢書不當獨遺此條而乃云地理志無大別可知唐時所見漢書安豐下尚無此語其說甚辨亦可以備一解 安豐自有大別非禹貢之大別也禹貢紀水非紀山也
 凡紀山者非水所出即水所經也不然則明疆界也安豐之大別於三者無取故禹貢不紀也班固不知而誤合之也但言安豐有大別山不別於三者無取故禹貢不紀也班固不知而誤合之也
 言為禹貢大別 荆雍有兩荆山使兩州接壤而山或有一不見於經能免後人之誤合乎何以決知安豐大別非禹貢所紀也
 禹貢言漢水至大別入江漢水入江不在安豐也水經卷四十四澤地所在大別在廬江安豐縣西南而卷三十二但云決水出廬江雲婁縣南大別山不云漢水經大別山卷二十九但云河
水又東南過江夏雲杜縣東又南至江夏沙羨縣北南入于江是祗不云東北過廬江雲婁縣又南至江夏沙羨北南入于江是祗

知取班志注禹貢大別而忘御禹貢大別為沔水入江所至矣
故道元注水經明見經言禹貢大別在雲婁縣又明見經言雲婁縣有決水所出之大別山而於沔水入江條下乃云大別今不知所在又注引地理志最詳而於決水條下但云俗謂之為檀公峴為大別之別名於卷三十五江水條下但云江水左則巴水注之分出雲婁縣之下靈山即大別山也與決水同出一山故世謂之分水山亦或曰巴山而不引地理志禹貢大別山在安豐縣西南之說蓋道元亦知其說與禹貢漢水至大別人江通不去故不敢附經文也案水經非桑欽撰當為三國時人見四庫全書提要 漢入江不在安豐
 在漢陽而魯山適當漢入江處則魯山即禹貢大別審矣禹不能舍近漢之山而遠指距漢數百里之山以表漢又審矣或疑漢入江處漢以前焉知不在安豐而後乃改流乎是又不然漢陽在禹時屬荊州安豐在禹時屬揚州前漢地理志後論六安屬揚州 禹貢荊州云江漢朝宗于海使漢在荆未入江漢江不荆史 合流焉得統云朝宗于海乎漢入江後始東為北江江會漢後

始東為中江為三江之二三江當以中江北使漢入江不在荆

在揚又焉得於揚州言三江既入乎漢入江既決在荆則大別

之在漢入江處者烏能移於揚之安豐乎尚書傳疏言大別山

案云大別在安豐則揚州非荆州傳淮水東過廬江安豐縣東

疏皆非是知有班志不知有禹貢也北經若漢入江在安豐縣西南漢淮相去如此之近亦未之前

聞矣難者曰傳言楚子常濟漢而陳自小別至于大別則大別

當在漢東書孔傳言漢觸大別山迥南入江地說言漢水東行

觸大別之阪南與江合水經注若在漢西不得云觸而南今魯

山在漢水左側與紀傳不合應之者曰此知今而不知古者矣

古漢水入江在魯山左也水經注江水又東逕魯山南古翼際

山也山左即沔水口矣沔左有卻月城明史地理志湖廣漢陽

府漢陽縣大別山在城東北一名翼際山又名魯山漢水自漢

川縣流入舊逕山南襄河口入江成化初於縣西郭師口之上

決而東從山北注於大江此言漢南北古書多言漢東西即

今之漢口也案胡氏謂禹貢雖指引隄防考與明据此與左傳

地說無絲毫不合卻月故城在今縣城西三里則古襄河口當

在今縣城東南隅漢水上流自襄陽來故俗呼為襄河今縣城

土人尚有而魯山之為大別益可無疑矣難者又曰鄭康成注

書云大別在廬江安豐縣書正義引京相璠春秋土地名曰大別漢

東山名也在安豐縣南水經注杜預解春秋雖言二別近漢之

名無緣得在安豐然亦言闕不知何處書正義引書孔傳多疑王肅

偽作亦止云大別在荆州漢所經酈道元亦以漢水東行觸大

別為與尚書杜預相符而云今不知所在果魯山為大別山諸儒何難實指乎漢晉後魏人不知而唐人反知之乎況地說既云漢水觸大別南與江合又云漢與江合於衡北翼際山旁夫一書所載大別一山翼際又一山是明明二山矣安可合而為一乎應之曰 國朝胡氏渭言大別之山至唐人始定其處愚謂所以能定者以其與禹貢合耳元和志固不古於漢志漢志又豈其古於禹貢也地說久佚不可見然据水經注沔水江水分引二說知地說本文二說亦當各係江漢下不在一處矣安見非錯舉二名使人明其為一也如左傳敘一人稱名稱氏稱官每互見一篇中可据以斷為異人乎至若談地理者非父母之邦與所足歷目親往往不詳不實道元仕於北魏江淮以南

地屬齊梁未嘗親履襲謬沿譌其說多鑿

御製題水經注詩註及提要

其實指所在者且不足据以為有

提要譏其合浙江為姚江

其不知所在者

奚可据以為無也班固王肅亦皆北人

固扶風人肅東海郡人

杜預雖為

征南將軍實鎮襄陽遣將平吳軍事紛午無暇旁涉及此迨注

左傳則已還朝矣凡此均因未見故不敢定耳倘使親見漢水

入江在此魯山左側尙何疑而不著以為禹貢大別乎 國朝

洪氏亮吉極辨大別在安豐詳指柏舉清發各地所在以證

見所

著卷施爾文甲集卷七釋大別山一篇寄邵編修晉函

今不論其是否即是亦左傳大別

也若以釋禹貢大別安豐何從得漢水入江乎王氏鳴盛亦力

主安豐之說云大別在漢東今之所謂大別在漢水西岸豈可

通乎

見所著尙書後案

魏氏源雖疑大別不當在安豐然不敢即指魯

山為大別者亦以在漢水西岸為疑見所著書古微近人馬氏徵麟信

魯山為大別而以此山在漢水西岸漢水不能觸山迴南入江

遂解為山觸水以便調停見所著長江圖說皆由不知今漢水入江在

山右者為明成化初改道而以魯山為在漢左不合於尚書左

傳致有此疑得明史地理志證以水經注山左即沔水口而胡

氏唐人始定之言乃信胡氏但為此言未嘗詳辨其所以然故為考而論之如右

大別攷

六月分齋課超等第二名黃觀恩

禹貢大別兩漢志皆云在安豐桑欽鄭康成京相璠說同唐李

吉甫始以漢陽魯山為大別以今輿地言之似李氏為信而實

不然案經言又東為滄浪之水過三澨至于大別南入于江大

別在漢東北故能觸漢南入于江魯山在漢水西南其不可信

一也春秋定四年蔡侯吳子伐楚左傳自豫章與楚夾漢楚子

常濟漢而陳自小別至于大別蓋吳軍漢東楚軍漢西子常濟

漢則列陳漢東二別宜漢東山魯山在漢西其不可信二也水

經注引地說云漢水東行觸大別之阪南與江合阪者山脈之

靡迤非直至山下今漢水切魯山北行其不可信三也地理志

武都郡武都東漢水受氏道水一名沔過江夏謂之夏水入江

沮沮水出東狼谷南至沙羨南入江漢江夏郡兼今德安安陸漢陽地沙羨故城在今武昌府治西南皆今漢水水道是漢水從無變易非昔行魯山之南今行魯山之北其不可信四也安豐大別去漢絕遠然漢晉諸儒皆以此爲禹蹟杜預酈元雖有疑辭究不能別言其山所在案史記索隱大別山在六安國安豐縣土人謂之甌山卽元和志所謂小別於唐屬漢川縣今在湖北漢川東南非漢之安豐地然實漢水所經故正義亦以此爲大別竊意二別名殊大小支脈實相聯屬大別爲其脊項小別則其踵趾大別在東小別在西卽以吳楚之戰言之吳軍豫章則今安徽霍山河南光州地戰于柏舉則今湖北麻城地左司馬成欲塞三關阻吳歸道則今河南信陽州地皆漢水東北

二三百里子常濟漢而陳亦必去漢百許里始與吳兵相及自小別至大別蓋自漢川而益東若大別在漢陽則爲自北而南中隔漢水旣不可陳又非吳師所及將欲與誰戰乎大別在安豐則當今安徽霍邱河南固始之間吳楚戰于其麓爲合地勢此事之可信者其山脈靡迤不盡至于小別名異而實同故禹貢卽謂之大別而地說以爲大別之陂也水經泱水出廬江雩婁縣南大別山注俗謂之爲檀公峴蓋大別之異名也江水注巴水出雩婁縣之下靈山卽大別山也與泱水同出一山故世謂之分水山雩婁在安豐南安豐之有大別山塙可徵信若以漢水合江爲疑則地說最爲明析胡顧諸儒信後出之臆說改漢師之古義吾無取焉

廣韻十七薛云大喇山名此別字之異文也然山旁疑淺人所
 加如豐作澧甬作淄之類此用段氏玉裁說謂別亦作喇則可謂別為
 喇之省則不可水經云決水出廬江雩婁縣南大別山酈道元
 注云俗謂之為檀公峴謂字善本誤作名公字舊本誤作山俱依戴氏震校改蓋大別之
 異名也江水注云水出雩婁縣之下靈山即大別山也與決水
 同出一山故世謂之分水山亦曰巴山曰檀公峴曰下靈山曰
 分水山曰巴山此皆大別之異名也史記夏本紀索隱云大別山在六安國安豐縣今土
 人謂之甌山正義亦云今俗猶云甌山今按甌山者乃今漢川
 縣東南十里之山不特大別之異名即後人以之當小別山
 亦無其曰廬江雩婁縣南大別山者決水注又引晉書地道記
 謂雩婁在安豐之西南故史記夏本紀集解引鄭康成尚書注

大別攷

六月分齋課 超等第三名 張增齡

廣韻十七薛云大喇山名此別字之異文也然山旁疑淺人所
 加如豐作澧甬作淄之類此用段氏玉裁說謂別亦作喇則可謂別為
 喇之省則不可水經云決水出廬江雩婁縣南大別山酈道元
 注云俗謂之為檀公峴謂字善本誤作名公字舊本誤作山俱依戴氏震校改蓋大別之
 異名也江水注云水出雩婁縣之下靈山即大別山也與決水
 同出一山故世謂之分水山亦曰巴山曰檀公峴曰下靈山曰
 分水山曰巴山此皆大別之異名也史記夏本紀索隱云大別山在六安國安豐縣今土
 人謂之甌山正義亦云今俗猶云甌山今按甌山者乃今漢川
 縣東南十里之山不特大別之異名即後人以之當小別山
 亦無其曰廬江雩婁縣南大別山者決水注又引晉書地道記
 謂雩婁在安豐之西南故史記夏本紀集解引鄭康成尚書注

云大別在廬江安豐縣尚書禹貢正義引同漢書地理志六安國屬安豐縣下注云禹貢大別山在西南安豐至東漢改屬廬江郡故康失稔也魏氏源注此疑地理志本無此條後人取康成書注增入不知唐人疏謬往往至此不足疑又姚氏鼐謂地理志安豐之大別當與安陸之橫尾互易輕信異說妄疑古籍尤謬後漢書郡國志廬江郡屬云安豐有大別山水經論禹貢山水澤地所在云大別在廬江安豐縣西南沔水注引京相璠春秋土地名云大別漢東山名也在安豐縣南蓋大別在雩婁之西南雩婁又在安豐之西南此山與小別並稱而特表而異之曰大別意必蜿蜒數縣難以指名屬之雩婁固可屬之安豐亦可是以水經一書既云廬江雩婁縣南大別山又云大別在廬江安豐縣西南兩稱之其實一也此大別所在之處也古誼相傳未有異說有之則自杜預始其春

秋土地名云傳曰吳既與楚夾漢然後楚乃濟漢而陳自小別至于大別然則二別在江夏界左氏定公四年傳正義引此無在江夏界四字近漢之名無緣反在安豐也今按晉時之江夏今之德安也魏氏源以城東南之大月山為大別且謂其西有二小山當有一是別其說正暗用杜義蓋晉元康九年以前今天門縣地也屬江夏郡所謂二別其地與安豐同在漢水之北杜所以不從安豐而定為江夏者不過以安豐去漢水稍遠耳然水經沔水注案地說康成書注每引地說此必西漢以前書言漢水東行觸大別之阪此字舊本作阪今依戴氏震校南與江合說文解阪字云一日山脇也釋名釋山云山旁曰阪言阪隨也作而義亦同故阪此字舊本作此山既奄有安豐雩婁之地其阪必直接英山麻城羅田諸縣而西安豐雖不近漢水而固得大別也漢水東觸大別之阪與禹貢所謂又東為滄浪之水過三澨至于大

別俱足見大別在漢水之極東若以為在晉時江夏界則其東復有漢水意在尊經不適與經義相背戾乎顧氏棟高謂安豐之大別另是一山與禹貢左傳俱無涉調停之說亦不能融貫經義之故也此杜之謬也至李吉甫則謬之謬者其元和郡縣志云魯山一名大別山在漢陽東北一百步其山前枕蜀江北帶漢水山上有吳將魯肅神祠春秋地名攷略云山有魯肅祠因夫曰北帶漢水則其山在漢水之南可知左氏定公四年傳云蔡侯吳子唐侯伐楚舍舟于淮汭自豫章與楚夾漢夾漢者蔡吳唐之師在漢之北楚師在漢之南也後云乃濟漢而陳自小別至于大別楚濟漢則亦在漢之北矣既濟漢而北無緣又得至漢南之山且水經江水注云江水又東逕魯山南此八字舊本誤升為經文今依戴氏震校改古今依戴氏震校改翼際山也是魯山一名翼

際山也又引地說云漢與江合於衡北翼際山旁者也地說一也此則云漢與江合於衡北翼際山旁彼則云漢水東行觸大別之阪則古之不以翼際大別為一山尤大彰明較著者此李說之極不可從者也李之誤啓於杜而甚於杜而總之皆無當於大別者知說之無當於大別在安豐之說愈無以易矣

經心書院集 卷一
此外若水經若京相璠春秋土地名皆然。國朝王氏尙書後案專主鄭說辨之甚力。然漢孔安國書傳後魏酈道元水經注唐孔穎達尙書正義李吉甫元和郡縣志宋蘇東坡書傳林之奇尙書全解傅寅禹貢集解薛季宣書古文訓蔡沈書集傳毛晃禹貢指南錢時融堂書解黃倫尙書精義王象之輿地紀勝陸游入蜀記王應麟玉海元陳樸書集傳纂疏黃鎮成尙書通考明王樵尙書日記鄭曉禹貢圖說李賢明一統志。國朝胡渭禹貢錐指蔣廷錫尙書地理今釋傅澤洪行水金鑑黃宗羲今水經張匡學水經注釋地蔣廷錫。大清一統志邁柱湖廣通志吳光熊湖北通志等書多云大別在漢陽則鄭君安豐之說不足信。杜元凱疑鄭說而不實指其地道唐始指爲魯山後

世遂有疑其傳會者。殊不知禹之名山必以其有關水道之衝方始載之。禹貢內方至于大別內方卽今之馬良山馬良以下無名山至大別挺峙江界正當漢水南入于江之處。謂不足當導山之條乎。至舊說多以大別在漢東而今在漢西者則以明成化初漢水自郭師口改流而然。見明史地理志是成化以前山猶在漢東矣。

不變周易以變者為占故稱九稱六所以老陽數九老陰數六者以揲著之數九遇揲則為老陽以四而歸奇于劫如是者三變除歸奇之數其正數得三十六以四揲之當九遇揲六遇揲則為老陰如上法其正數得二十四以四揲之當六遇揲其少陽稱七少陰稱八此少陽正數得二十八案此六遇揲其少陽稱七少陰稱八準此少陰正數得三十二故數說解爻名九六義最當本孔疏說又有言老陽居一含九故數亦相通然爻為揲著所而猶非用九用六之義也一曰乾爻有得仍當以孔說為勝九老陰居四含六故數六者義與孔疏七有九坤爻有八有六九六變而七八無為曰用九者所以釋不用七也曰用六者所以釋不用八也歐陽氏一曰用九不用七為陽爻通例用六不用八為陰爻通例以乾坤純陽純陰而居卦首故發之聖人因繫之辭使遇此卦而六爻皆變者即以此占之春秋傳曰乾之坤曰見羣龍无首吉足以明之矣朱子本義

說案此二說解用九用六視他家為勝愚竊以為其義猶有所未盡也爰為之引伸其說曰用九用六之時義大矣哉夫易之為用陰陽剛柔盡之矣陰陽不可以睽也剛柔不可以勝也易亦不可以窮也故曰易窮則變變則通通則久夫乾剛純陽坤柔純陰陰陽並臻其極而剛柔各處其偏故乾上九則亢坤上六則疑所謂窮也用九者乾變之坤用六者坤變之乾所謂窮則變也乾變坤坤變乾然後陰陽相和而不相睽剛柔相濟而不相勝所謂變則通也陽爻不九則七少陽之七老陰之六所變也而老陽之九又變為少陰之八陰爻不六則八少陰之八老陽之九所變也而老陰之六又變為少陽之七變化無方往來不窮所謂通則久也今試與案八卦之序乾始而坤終故曰

乾知大始又曰坤代有終然使乾知始而已始不要終則元難
 貫貞坤代終而已終不復始則貞難起元九六之用廢而乾坤
 或幾乎息矣故用九曰見羣龍无首吉文言曰乾元用九乃見
 天則用六曰利永貞象傳曰用六永貞以大終也夫无首則元
 始始而无始是謂大始永貞則无終終而无終是謂大終始則
 有終終則有始始終如一循環无端易之所以無窮天地之所
 以不息其不以用九用六歟吾乃於是得變易之用焉且夫用
 九所以能變坤者以乾中本有坤也用六所以能變乾者以坤
 中本有乾也十二辟卦三月夫四月乾五月姤九月剝十月坤
 十一月復人咸謂乾為夫之盡坤為剝之盡而不知固未嘗盡
 也乾盛於外坤藏於內坤盛於外乾藏於內夏月離外二陽乾
 內一陰則坤也冬

月坎外二陰坤
 內一陽則乾也夫之上六剝之上九乃伏隱胚胎於乾與坤中
 而蘖芽於姤復之初是故序卦以姤次夫以復次剝者窮上必
 反下陰陽之順承也辟卦間乾坤於卦中者外消則中息動靜
 之交養也復初九長而為乾姤初六長而為坤者序之漸也乾
 用九即之坤坤用六即之乾者義之配也吾乃於是得對易之
 用焉對易向名錯卦虞氏謂之旁通
 愚援毛氏五易之例名曰對易夫地氣上騰天氣下降天
 地而同草木萌動者乾坤之道也靜極則動動極則靜一動一
 靜互為其根者用九用六之道也由六畫之易以推三畫之易
 天道下濟地道上行坤上乾下為泰反是則否矣火下暖水水
 上制火坎上離下為既濟反是則未濟矣男下女女從男巽上
 震下為益反是則損矣凡此皆可與用九用六通者也吾乃於

是得交易之用焉是故學易之君子見夫九則陽盈陽盈則陰
虛六則陰盈陰盈則陽虛虛者必息盈者必消天地盈虛與時
消息易之用也君子法易以致用尚消息盈虛以順天行意在
斯乎意在斯乎故曰學易可以無大過

[Faded vertical text, likely bleed-through from the reverse side of the page]

用九用六說

文而

此月分齋課
超等第二名張增齡

莊子云用也者通也見齊物論用之為通蓋古誼有如此者孔穎達
易疏云乾體有三畫坤體有六畫陽得兼陰故其數九陰不得
兼陽故其數六見乾卦初爻下此前一說也次謂老陽數九老陰數六其說似較遷是九者陽爻
之稱也六者陰爻之稱也卦無有通體皆陽者有之則乾是亦
無有通體皆陰者有之則坤是乾通體皆陽故初九九二九三
九四九五上九之外而以用九結之坤通體皆陰故初六六二
六三六四六五上六之外而以用六結之用者通用九者謂
通體皆陽也用六者謂通體皆陰也宋仲子易注云用九六位
皆九見李鼎祚周易集解劉子珪乾坤義隋書經籍志有劉瓛周易乾坤義一卷云總六爻
純九之義故曰用九也亦見李氏集解是也言用九而用六可例推矣

惠松厓先生解用九云坤為用無論經文明言乾元用九不當取坤即坤可以用乾之九而坤之用六又將何說以處之若此則不可以然而說也果何自昉乎春秋左氏傳云在乾之姤例推者也

曰潛龍勿用其同人曰見龍在田其大有曰飛龍在天其夬曰亢龍有悔其坤坤釋文作云本又曰見羣龍無首吉見昭公二十九年夫易也變一爻則別為一卦後之言易者因即以彼卦為此爻之名如宣公十二年傳云在師之臨曰師出以律否臧凶此襄公二十八年傳云在復之頤曰迷復凶之類皆是不曰在乾之初九而曰在乾之姤不曰其九二其九五其上九而曰其同人其大有其夬者用斯例也變乾之初則為姤變其二則為同人變其五則為大有變其上則為夬六爻皆變則為坤然則不曰其用九而曰其坤則用九之統乎六爻而言可知乾之用九統乎六爻而言則坤之用六亦如是可知也說者不

達此旨謂用九用六皆當與上爻合作一節此毛大可其意亦先生說主春秋傳以為不曰上九而曰其夬其坤者一爻變則上可變夬六爻變則上又可變坤也豈知上者特六爻之一耳並無籠括以下五爻之義上變而不能使六爻俱變者勢也變乾之上烏得為坤且爻辭之例各象其爻以為辭上九曰亢龍有悔亢者上極之名也此用後漢書梁冀傳注此上爻之象也用九曰見羣龍无首吉羣龍猶言六龍也象傳云時乘六龍以御天六龍猶言六爻也合六爻而言故曰羣龍也曰亢龍上九辭則羣龍亦上九辭無有異者豈獨論哉又有謂用九為用乾之二四上入坤用六為用坤之初三五入乾者焦里堂張泉文兩先生俱如此說夫合乾坤二卦成兩既濟俾陰陽和均而得其正所謂復太極之體也此其意各於彖傳發

之乾象傳云各正性命性者不易之理命者不易之位曰各正性命則不正者正矣此用乾之二四上入坤之說也坤象傳云德合無疆天之覆物無疆地之載物無疆曰德合無疆則坤與乾合矣此用坤之初三五入乾之說也玩用九用六之辭無入乾入坤之義不知說者何所見而云然此處虞仲翔舊注闕軼無考舉文先生撰周易虞氏義以已意說之雖有未合而見仁見知於經義尚無傷也乃所撰虞氏消息亦強援此文以發明消息之旨夫仲翔各注可以發明消息之旨者正夥矣必於無字句之處穿鑿而附會之竊嘗謂舉文先生易學不愧為仲翔功臣獨此等處未免賢智之過耳如曰見羣龍无首是不見乾象也則何以知非六爻盡變而獨變其二四上爻乎又況坤為永李氏集解載仲翔益卦二爻注云坤為永為終集解載仲翔訟卦上爻注云坤為終又見蠱卦象傳注及萃卦初爻注曰永貞以大終正純坤之象也謂用六以息陽不尤為無據乎總之乾之六爻皆九也坤

之六爻皆六也舉其一而漏其餘不可謂之用得其半而遺其半仍不可謂之用苟非不明乎用字之古誼則其誤必不至此專以筮為說者亦不用用字之古誼故也姚仲虞先生既知其非矣而又云陽爻為九元則用之如此說用字仍坐不明古誼之故訓詁為說經之第一端其信然歟

用九鄭康成曰六爻皆體乾羣龍之象劉瓛曰總六爻純九之
 義故王弼曰九天之德能用天德乃見羣龍之義焉陸績曰純
 陽用九之德用六干寶曰陰體其順臣守其柔所以秉義之和
 履貞之幹唯有推變終歸於正侯果曰用六妻道也臣道也利
 在長正矣不長正則不能大終陽事也又鄭氏初九注曰周易
 以變者為占故稱九稱六唐史徵曰用總也此九陽之德謂聖
 人用此九陽之德不可驕盈為物頭者又曰坤體柔順不可用
 之剛暴故須承長貞正則能廣大而從也此漢唐諸儒之說也
 張惠言虞氏義曰爻不正則道有變動乾坤用九六所以立消
 息正六位也乾二四上失正用九變成既濟離為見坤為羣乾

用九用六說

七月分齋課
 超等第四名
 李心地

用九鄭康成曰六爻皆體乾羣龍之象劉瓛曰總六爻純九之
 義故王弼曰九天之德能用天德乃見羣龍之義焉陸績曰純
 陽用九之德用六干寶曰陰體其順臣守其柔所以秉義之和
 履貞之幹唯有推變終歸於正侯果曰用六妻道也臣道也利
 在長正矣不長正則不能大終陽事也又鄭氏初九注曰周易
 以變者為占故稱九稱六唐史徵曰用總也此九陽之德謂聖
 人用此九陽之德不可驕盈為物頭者又曰坤體柔順不可用
 之剛暴故須承長貞正則能廣大而從也此漢唐諸儒之說也
 張惠言虞氏義曰爻不正則道有變動乾坤用九六所以立消
 息正六位也乾二四上失正用九變成既濟離為見坤為羣乾

爲龍爲首乾坤交離乾象不見故見羣龍无首乾道變化各正性命故吉也六十四卦皆乾坤用九用六通乎二篇之爻也又曰九六者坎離之數乾變坤化皆以坎離爲用故曰用九用六九六二用卽說卦之所謂神又曰陰陽分用九六皆以乾元摩蕩故曰天下之動貞夫一惠棟周易述曰陰无首以陽爲首又曰用九用六卽律樂家合十二辰十二律之義姚配中以張惠二說爲非是矯枉過直謂易爻言變故稱九六九六者七八之變畫之動者耳非九卽爲陰六卽爲陽也其占卦由陰推陽也謂極數知來之謂占乃占法也豈用九用六之謂又謂乾元用九坤元用六一經皆九六九六皆元之用元之用九六始終一經卽周也一經之卦皆六爻六爻者一極之道而元用之是元

之以一貫三矣姚雖駁惠張義仍同也焦循通釋以鄭荀京馬崔王姚董諸說爲不可信而取秦九韶衍法參以宋李泰伯郭子和趙汝樸三說謂乾策三十六三其十二也坤策二十四兩其十二也四十八四其十二也此以十二爲等者也四十八旣切存四十四存三十六存三十二存二十八存二十四此以四爲等者也四爲四時十二卽爲十二會以合十二成一歲故乾策三十六於十二爲三於四爲九用九卽用三也坤策二十四於十二爲兩於四爲六用六卽用兩也二十八爲四七之數三十二爲四八之數於十二之等不盡則不能成歲故用六用九而不用七用八也焦義主數較姚尤明晰今案鄭注乾鑿度曰一變而爲七是今陽爻之象七變而爲九是今陽爻之變二變

而爲六是今陰爻之變六變而爲八是今陰爻之象又曰陽析九陰析六陰陽二析合一百九十二爻故當以陰爻乘陰析合之以四時乘之并合之三百八十四爻萬一千五百二十析也故卦當歲爻當月析當日天道左旋地道右遷二卦十二爻而期一歲三十二而大周此卽焦氏所謂在卦爻爲旁通在算術爲互乘也又案說文用可施行也从卜中卜部下曰灼剝龜也象爻龜之形一曰象龜兆之縱衡也據此則用初義本屬卜訓後人總訓乃後義也因其本義引申之爲總義亦以發其凡起其例也於乾著用九凡陽變者例用九也於坤著用六凡陰變者例用六也說文曰九易之變也象其屈曲變盡之形六易之數陰變於六正於八从入八九而三之爲三三者天地人之道

於文一耦二爲三成數也六而二之爲兩兩卽二也二爲地之數从耦一用三用兩卽用一也所謂惟初太極道立於一造分天地化成萬物也

用九變成既濟虞翻繫辭注云乾六爻二四上非正坤六爻初三五非正是謂雜物此知卦位皆當成既濟也既濟坎離之象九六坎離之數乾變坤化皆以坎離為用孟氏說卦逸象坤為用惠氏棟謂發揮剛柔而生爻立地之道故稱用竊謂乾六爻發揮變動旁通於坤坤來入乾以成六十四卦據陸績說故乾常資坤以為用孟氏以用屬坤職變故也然則乾坤之用以九六者何也九為老陽六為老陰老陽老陰皆變以乾之初三四上與坤易位則變成坎以乾之二四與坤易位則變成離以離之上卦三爻與坎上易位則變成既濟由推之則自剝復臨觀否泰以及於姤夬無非九六之互變也然則九六以變為占者何也案此為揲著變卦之凡例蓋陽爻百九十二皆用九而不用七陰爻百七十二皆用六而不用八陽爻動而

變陰則用成陰之卦以占事陰爻動而變陽則用成陽之卦以占事故凡筮得陽爻者則以九為用得陰爻者則以六為用然則用九言羣龍无首吉用六言利永貞何也案用九无首是以乾入坤蓋坤者乾之藏乾為首坤為羣乾坤交離乾象不見故以柔和接待於下不更懷尊剛為物之首用六永貞是以坤承乾蓋乾者坤之君坤能守臣道以秉義之和履貞之幹唯有推變終歸於正而得乾行之健參用干寶孔穎達願憲成說此言就其變者言也故林氏希元謂乾變之坤雖為坤之所為然本自剛來與本是坤者不同坤變之乾雖為乾之所為然本自柔來與本是乾者不同故乾无首之吉終不可同於坤牝馬之貞坤永貞之利終不可同於乾之元亨即此意也然則易言乾元用九而不言

坤元用六者何也案言乾元用九則坤元當用六可知虞翻坤象注云坤含光大凝乾之元終於坤亥出乾初子謂乾元藏於中坤含光大凝乾元則坤元也漢書律志云十一月乾之初九陽氣伏於地下始著為一萬物萌動鍾於太陰故黃鐘為天統律長九寸九者所究極中和為萬物元也其所謂太陰者即坤元藏乾元者也今乾坤之元謂之太極故志又云太極中含元氣是其證也或謂乾元坤元不在六爻之數用九用六實有用之者其說非是卦爻言元者如復初九元吉離六二元吉渙六四元吉損六五元吉井上六元吉自初至上無非元之所為元實起於一卦之始而舉其義於一卦之終以見元無不在非上九上六之後又有用九用六也然則九六之用者自是占變之例鄭義允矣

尚書舜典存逸攷

八月分齋課 趙等第一名 錢桂笙

舜典之逸久矣自東晉偽古文出遂分堯典慎徽句以下至陟方句為舜典馬鄭尚書注皆合今舜典慎徽五典以下至陟方乃死為堯典而別有舜典一篇為逸書馬鄭無注而齊明帝時姚方興又撰曰若稽古帝舜曰重華協于帝十二字於篇首隋學士劉炫續潛哲文明十六字共二十八字以與堯典相配唐孔穎達奉敕作正義遵而用之於是歷代莫廢而舜典之逸者儼然悉存而無闕近儒若閻氏百詩古文尚書疏證惠氏定宇古文尚書攷江氏良庭尚書集注音疏王氏鳳喈尚書後案段氏懋堂古文尚書異孫氏淵如文注疏及諸經師之攻偽古文者皆辭而闕焉已詳哉其言之矣雖然攻偽古文則必謂真古文為逸此猶涉門戶之見而不足服後學之心至若信偽書者亦不能不言其

逸則今舜典非孔壁之真尤曉然其無疑故余謂以舜典爲逸此不必旁徵他說卽舉信僞書者之所言亦可得數證焉釋文敘錄云江左中興元帝時豫章內史枚頤舊本誤蹟奏上孔傳古文尙書亡舜典一篇購不能得乃取王肅注堯典從慎微五典以下分爲舜典篇以續之學徒遂盛後范甯變爲今文集注俗閒或取舜典篇以續孔氏齊明帝建武中吳興姚方興采王馬之注造孔傳舜典一篇云於大船頭買得上之梁武時爲博士議曰孔敘稱伏生誤合五篇皆文相承接所以致誤舜典首有曰若稽古伏生雖昏耄何容合之遂不行用又於舜典第二下注云梅頤上孔氏傳古文尙書亡舜典一篇時以王肅注頗類孔氏故取王注從慎微以下爲舜典以續孔傳徐仙民亦音此本

今依舊音之曰若稽古帝舜曰重華協于帝下注云此十二字是姚方興所上孔氏傳本無阮孝緒七錄亦云然方興本或此下更有濬哲文明溫恭允塞口德升聞乃命以位凡二十八字異聊出之於王注無施也案元朗尙書音義皆用僞古文而舜典一篇則用王肅本與正義殊正義用姚方興本王肅注原係堯典後人因其與孔傳相類而割以補舜典之闕者其篇首二十八字雖元朗亦不信則舜典之本逸今舜典之爲堯典元朗已確言之此一證也隋書經籍志云東晉豫章內史梅頤始得安國之傳奏之時又闕舜典一篇齊建武中姚方興於大桁市得其書奏上比馬鄭所注多二十八字於是始列國學隋書成於唐人亦信僞古文者而志言梅頤奏上時闕舜典一篇則舜典之本

逸可知志又言姚方興於大桁市得其書比馬鄭所注多二十
 入字始列國學攷馬鄭書注並以舜典為逸篇孔氏正義言之
 甚詳安得有舜典之注馬鄭書注其篇數皆依伏生今文三十
 四篇其古文增多之二十四篇馬鄭皆
 以為逸方興奏上時梁武方為博士已議不行
 書無注方興奏上時梁武方為博士已議不行隋開皇後始行
 安得云奏上即列國學志信偽古文故不言大桁所得者為方
 興偽造而復牽附馬鄭渾淪其詞亦似馬鄭書注原有舜典一
 篇其不同僅此二十八字者又復沒梁武帝之議亦似當日奏
 上舉朝即信為真使列學官行用者然於梅書之本闕舜典究
 不能掩此二證也史通正史篇云古文尙書者即孔惠所藏科
 斗之文也魯共王壞孔子舊宅始得之壁中博士孔安國以校
 伏生所誦增多二十五篇案當云增多二十四篇辨見尙書古
 文疏證及尙書後案二十四篇者舜

典一汨作二九共九篇十一大禹謨十二益稷十三五子之歌
 十四允征十五湯誥十六咸有一德十七典實十八伊訓十九
 肆命二十原命二十一武成二十二更以隸古字寫之編為四十
 二旅葵二十三周命二十四也
 六卷又受詔為之訓傳值武帝末巫蠱事起不獲奏上藏諸私
 家至於後漢孔氏之本遂絕案後漢杜林漆書甚類於世古文
 猶未遽亡至晉永嘉之亂古文始
 掃地其有見於經典者諸儒皆謂之逸書王肅亦注今文尙書
 盡矣而大興孔傳古文相類晉元帝時梅頤始以孔傳奏上而缺舜
 典一篇乃取肅之堯典從慎微以下分為舜典以續之齊建武
 中吳興姚方興采馬王之義以造舜典孔傳云於大桁購得詣
 闕以獻舉朝集議咸以為非及江陵板蕩其文北入中原學者
 得而異之隋學士劉炫遂取此一篇列諸本第故今人所習尙
 書舜典元出於姚氏者焉案劉知幾史通唐景龍時作其時偽

古文久行故信梅書為孔壁之舊然云缺舜典一篇云分王肅堯典為舜典云方輿采馬王義造舜典孔傳云今舜典出姚氏與釋文合則雖信偽古文而亦未始不以舜典為非真此三證也孔氏正義云昔東晉之初豫章內史梅頤上孔氏傳猶闕舜典自此乃命以位已上二十八字世所不傳多用王范之注補之而皆以慎徽已下為舜典之初至齊蕭鸞建武四年吳興姚方輿於大航得古文舜典亦類太康中書乃表上之事未施行方輿以罪致戮至隋開皇初購求遺典始得之其卷首正義云晉書云太保公鄭冲以古文授扶風蘇愉字休預預授天水梁柳字洪季季授城陽曹臧字彥始始授汝南梅頤字仲真為豫章內史遂於前晉奏上其書而施行焉

案晉書鄭冲傳不言傳古文尚書不知冲遠何

據又頭之上書在元帝時此言前晉亦誤時已失舜典一篇晉末范甯為解時已不得亡蓋范變隸古為今文其書注本十卷方輿未上孔傳舜典以前舜典之偽傳猶未出俗間取范注中舜典一卷以補孔傳之缺故行之稍遠至隋時而范書佚此卷獨存非十卷外別有舜典一書也此云為解時已不得則范書亦分慎徽以下為舜典而無篇首二十八字至齊建武四年姚方輿於大航頭得而獻之議者以為孔安國之所注也案冲遠作正義既信方輿所得為真古文矣而舜典闕亡之事究不能掩且云范甯作解時猶不能得又云二十八字世多不傳則猶有疑信參半之意臧氏玉林所謂一隙之明未盡泯者臧說詳經義雜周頌時邁鄭箋引書歲二月東巡狩云云正義疏之曰書曰以下堯典文又曰堯典說巡守之禮云協時月正日同律度量衡又曰堯典注云徧以尊卑秩祭之也此孔氏引鄭尚書注又大雅生民

篇正義曰堯舉棄為農師天下得其利堯典云帝曰弃黎民阻
 飢汝后稷播時百穀又曰堯典云帝曰弃是名之曰棄又曰堯
 典注云舉八元使布五教又曰堯典注云堯初天官為稷舜登
 用之年舉稷為之又曰高辛氏當以建寅之月為正故堯典云
 三帛注云高辛氏之後用黑繒以上稱注云亦皆孔氏引鄭君尚書注 据此可知
 冲遠亦未嘗不疑今舜典為堯典故於疏詩時凡文之在今舜
 典者猶時稱堯典以明之細衣疏曰舜典云闢四門注云卿士
 疏曰舜典云帝曰弃黎民阻飢汝后稷播時百穀注云祖讀曰
 阻厄也時讀曰時始者洪水時眾民厄於飢汝居稷官種蒔
 百穀以救活之此引鄭君堯典注而稱舜典是護其疏書之失
 凡孔疏詩禮中如此歧出者多姑舉數則以證孔雖信偽書亦
 未嘗不疑舜典之佚目以見鄭注尚書而真古文舜典之逸決
 原以舜典為堯典而後人妄分之也 然矣此四證也夫偽書出於梅賾而梅文亦闕舜典一篇在信

偽書者莫不云然顧以為未逸可乎慎微以下為東晉時所割
 補二十八字為方輿等所偽造在信偽書者亦有時云然顧以
 為未逸又可乎近儒毛大可力為偽書白冤者也其論舜典則
 謂慎微五典以後至放勳殂落是堯典惟月正元日以後是舜
 典史記五帝本紀正載二典之全者雖引掇不用原文第襲其
 大略然踪跡可見今較史記二帝紀則自曰若稽古帝堯起至
 放勳乃殂落止是堯紀即是堯典自月正元日起至舜生三十
 徵庸止是舜紀即是舜典而月正元日以前尚有舜典半截在
 舜紀中因取舜紀文在月正元日以前者補舜典之亡毛氏所
補亡及尚書廣聽錄古文宛詞極 辨博此條焦里堂尚書補疏摘引夫毛信二十八字為真古文
 朱氏錫鬯惠氏定宇已駁之朱說詳曝書亭集惠 而古文舜典

究不能謂其全存是猶為得半失半之說矣朱氏錫鬯乃欲徑取月正元日以下為舜典而采高堂隆所引曰若稽帝舜曰重華建皇授政改朔十五字為之冠朱說見曝書亭集高所引見宋書禮志乃書緯之文正方與偽書所本段懋堂古文尚書撰異錢曉徵宋書攷異皆辨之趙氏甌北則直謂月正元日以不愈謬乎焦里堂又謂大學引克明峻德稱帝典帝兼堯舜言之以一篇言則曰帝典以二篇言則遇密八音之前為堯典月正元日以後為舜典舜典未嘗亡亦無庸補詳尚書補疏是謂無定篇亦無定名矣不尤謬乎或曰舜典之逸聞惠諸先生既詳言之如彼而信偽書者復自言之若此誠信而有徵矣顧其逸文散見於他書者有可證乎曰趙邠卿孟子注云孟子時尚書凡百二十篇逸書有舜典之序亡失其文

孟子諸所言舜事皆舜典及逸書所載是孟子所稱書曰祇載見瞽瞍云云及他所稱勞之來之與于田完廩封象諸事或皆出古文舜典論語堯曰咨爾舜一節太平御覽卷七十引尚書逸篇云堯子丹朱不肖舜使居丹淵為諸侯侯或誤使卷八十一引尚書中候攷河命曰粵若稽古帝舜曰重華欽翼皇象此緯書亦姚方興等偽書所本江氏集注音疏以尚書攷靈曜曰放勳欽明文思晏晏證之謂似是舜典篇首逸文近儒亦多以為舜典逸文然必若毛氏取史記所載盡采以補舜典之亡則又不可蓋虞書十六篇其逸者自舜典外尚有汨作九共稟既禹謨益稷諸篇今大禹謨益稷二篇亦偽書史記所載及論孟諸書所引雖不無舜典逸文又烏知不出諸篇中而必斷以為舜典可乎哉夫秦火而後六籍皆有殘缺而尚書之厄尤甚就其可信者言

之則馬鄭猶為近古舜典古文馬鄭既以為逸矣則雖月正元
 日以下似舜典原文誤合於堯典之中孔叢子孔臧與安國書
 云堯典說者以為堯舜
 同道弟素以為雜有舜典今果如所論又孔安國書序云伏生
 以舜典合於堯典益稷合於皋陶謨案孔叢子及安國序皆偽
 撰諸儒已辨而必分以為舜典是轉蹈作偽者之故轍其何以
 之不足據服梅姚諸人之心哉語云疑事無質學者第守馬鄭之舊而姑
 闕所疑焉可矣

尚書舜典存逸攷

八月分齋課
超等第二名張增齡

秦之焚書也濟南伏生取向書壁藏之漢興求其書獨得二十
 九篇二十九篇有泰誓而無序辨見王氏引之經義
 述聞謂伏生本二十八篇者乃後起之謬說也而舜典諸
 篇逸矣後魯共王壞孔子宅得古文尚書於壁中以之校伏生
 所傳得多十餘篇而舜典喪然居十餘篇之首此十餘篇者藏
 在秘府劉子政父子校書親見之班孟堅載之漢書藝文志杜
 伯山衛敬仲賈景伯馬季長鄭康成諸大儒遞相傳授惟以其
 絕無師說不為之注漢世之重家
 法於此可見故其學未盛行永嘉之亂輒
 就淪亡淪亡者十餘篇非獨一舜典也乃奏上偽古文之校墮
 出恐以過於完好滋人之疑於是詭言亡舜典一篇實則十餘
 篇俱未嘗得豈徒舜典云亡而當時好事者贊成其事遂割堯

典慎徽五典以下以續之旋卽有獻曰若十二字之姚方輿焉

經典釋文云曰若稽古帝舜曰重華協于帝此十二字是姚方輿所上孔氏傳本無阮孝緒七錄亦云然旋又有造

濬哲十六字之劉炫焉據劉氏琳經義雜記王氏鳴盛蛾術編並

口德升間乃命以位而舜典之首尾以具識者固不以真舜典

視之也近世毛氏奇齡作舜典補亡謂舜典月正元日以後古

舜典之存者也月正元日以前則逸之待補者也其說云春秋

引經凡稱堯典者祇在慎徽五典以後放勳殂落以前

在月正元日後則並無一語稱堯典者則此真舜典矣焦氏循

作尙書補疏又從而附會其說直謂舜典至今全存並無所謂

逸者其說云竊謂舜典之於堯典猶康王之誥之於顧命也舜

放勳史臣敘堯之首師錫帝曰有鰥在下曰虞舜史臣借眾言

以前敘舜事而堯仍在上則不得專為舜典放勳殂落以後專

敘舜事亦不得仍為堯典堯典以曰若稽古帝堯為首以殂落

足知之何蒙竊惑焉孟子萬章篇引堯典曰二十有八載放勳

乃殂落百姓如喪考妣三年四海遏密八音此卽毛氏所謂引

堯典在慎徽五典以後放勳殂落以前者也然徧檢春秋戰國

間諸書合於是說者僅此一處與毛氏語氣不似揆其意蓋本

欲統漢晉諸書而言而不覺其立言之隘也何也漢書王莽傳

兩引十有二州俱稱堯典東漢光武時張純奏宜遵唐堯之典

二月東巡章帝時陳寵言唐堯著典嘗災肆赦晉武帝時張髦

上疏引堯典肆類于上帝云云凡此諸條悉與毛氏說合博洽

如毛氏夫豈忘之獨是周禮春官序官注鄭司農引堯典曰帝

曰咨四岳有能典朕三禮僉曰伯夷帝曰俞咨儉友作秩宗則

為終舜典以有鰥在下曰虞舜為首以陟方為終首尾並具了

然兩紀而中間互相殺發此文中神品馬遷每效之而遠莫能

企經生何

足知之何

蒙竊惑焉

孟子萬章篇引堯典曰二十有八載放勳

乃殂落百姓如喪考妣三年四海遏密八音此卽毛氏所謂引

堯典在慎徽五典以後放勳殂落以前者也然徧檢春秋戰國

間諸書合於是說者僅此一處與毛氏語氣不似揆其意蓋本

欲統漢晉諸書而言而不覺其立言之隘也何也漢書王莽傳

兩引十有二州俱稱堯典東漢光武時張純奏宜遵唐堯之典

二月東巡章帝時陳寵言唐堯著典嘗災肆赦晉武帝時張髦

上疏引堯典肆類于上帝云云凡此諸條悉與毛氏說合博洽

如毛氏夫豈忘之獨是周禮春官序官注鄭司農引堯典曰帝

曰咨四岳有能典朕三禮僉曰伯夷帝曰俞咨儉友作秩宗則

在月正元日後矣不知毛將何說以處此如謂此非春秋戰國
 間書未可深信且堯典亦安知非舜典之譌則又安知作偽古
 文者之割慎徽五典以下為舜典不割月正元日以下為舜典
 非天牖其衷使潛學之士得據眾證以駁其妄乎倘作偽者亦
 如毛氏之巧於趨避則其貽誤來哲更有不可勝言者矣此毛
 說之必不可從者也漢書藝文志之說古文尙書云以考二十
 九篇得多十六篇書堯典疏引馬季長書序亦云逸十六篇絕
 無節說章如愚山堂羣書考索經濟門引同所謂十六篇者舜典一汨作二九共
 三大禹四宋以判鳳過庭錄云按書序大禹棄稷五書益稷疏
無諷說所據書序此五子之歌六九征七湯誥八咸有一德九典寶十
 伊訓十一肆命十二原命十三武成十四旅獒十五畢命十六

也若舜典乃分堯典之半一如康王之誥分顧命半之比則藝
 文志與馬氏書序當云十五篇何以云十六篇乎如謂舜典不
 在逸十六篇之內別有一篇以足其數今已不傳則於十六篇
 內分出九共八篇為二十四篇又於伏生之二十九篇分出盤
 庚二篇泰誓二篇康王之誥一篇為三十四篇合二十四篇與
 三十四篇即桓君山新論所謂古文尙書舊有四十五卷為五
 十八篇者也若更於堯典內分出舜典一篇不有五十九篇乎
 以篇數衡之進退皆無所據此以舜典擬康王之誥之必不可
 從者也孟子萬章篇注云逸書有舜典之敘亡失其文孟子諸
 所言舜事皆舜典逸書所載段氏玉裁古文尙書撰異云趙氏
乃舜典之誤及字衍傳寫言皆堯典及逸書所載此堯典字
 之失也今謹依段說校釋名釋典藝之說三墳五典八索九

邱云今皆亡惟堯典存也趙邠卿劉成國皆漢世大儒其時古文尙書已出因不列學官故其說云然若古文舜典卽在今文堯典之中彼豈竟無所聞而猶曰亡失其文猶曰惟堯典存乎且說文日部引虞書曰仁覆閔下則稱曰天據周禮大宗伯疏引異義古陳氏壽祺五經異義疏證云周禮疏作故毛詩正義作古當從之尙書說仁覆慝下則稱曰天詩黍離傳仁覆閔下則稱曰知此乃以經師之說爲天正義云古尙書說與毛同經之正文者如日部引易曰地可觀者莫可觀於木六部引詩曰不醉而怒謂之異之類許君自序稱書孔氏然則此係舜往于田號泣于曰天之眞孔傳可知矣作偽古文者妄以舜往于田號泣于曰天二語入大禹謨並採仁覆閔下之義爲僞孔傳而舜往于田號泣于曰天二語係眞舜典之逸文亦由此可知矣邠卿之說不爲無見今縱不應如魏氏源

之書古微盡據史記孟子書大傳之文以補舜典之逸而似此之塙有實徵者自當寶之若吉光片羽直謂舜典無逸可補又何以處仁覆閔下則稱曰天之說乎此舜典未嘗亡之說之必不可從者也至其謂堯典以殂落爲終舜典以有鰥在下爲首竊不知殂落以前有鰥在下以後究當繫之堯典乎抑當繫之舜典乎抑堯典直至殂落爲終舜典復自有鰥在下爲首乎以爲互相敘發之例是必無堯典舜典之目而後可既有堯典舜典之目而又用互相敘發之例此信非經生之所能知者矣此皆焦說之尤不可從者也總之尙書之有舜典一逸於伏生之壁再逸於永嘉之亂俱與汨作九共諸篇同罹於厄至再逸而舜典遂不復存於人世矣迄於今他篇之零星碎句散見於各

古籍中者偶一遇之

禮記緇衣篇尹吉曰惟尹躬及湯咸有壹德注云吉當為告告古文詰字之誤也尹

告伊尹之誥也書序以為咸有壹德孟子萬章篇伊訓曰天而誅造攻自牧宮朕載自毫注云伊訓尚書逸篇名此類是也而

舜典蓋鮮有之亦未明題舜典篇目終不敢據為典要惟舜往

泣于口天二語雖未明題舜典此其事閻氏若璩古文尚書惠氏

篇目究有說文可據說其前

棟古文尚書江氏聲注音疏王氏鳴盛尚書後案段氏玉裁書撰異孫

氏星衍尚書今註諸人之書言之綦詳勿庸贅述所慮者後之

人或為毛焦穎之說所搖未免開聚訟之端辨之不可不早

也是為攷

伏生二十九篇無舜典孔壁所多十六篇中有舜典十六篇者漢儒謂之逸書絕無師說馬鄭諸人猶及見之因未列學官而莫為之注永嘉之亂已盡亡矣偽孔割堯典慎徽以下為舜典所撰偽序誣伏生以舜典合於堯典而偽傳又故闕舜典一篇以見堯典存而舜典獨亡二篇必不可合為一耳夫作偽者不另撰舜典特省力以藏拙又闕其傳蓋恐偽書太完易滋人疑詐為亡失以售其欺當時以王肅注補之其實王肅本亦不必割慎徽以下為舜典也乃有姚方興者偽造偽孔舜典傳又於篇首增曰若稽古帝舜十二字已見於梁武帝劉炫等夏加濬哲十六字以與堯典起段相配若真有舜典也者然姚劉所

尚書舜典存逸攷

八月分齋課 起等第卷名石 超

伏生二十九篇無舜典孔壁所多十六篇中有舜典十六篇者漢儒謂之逸書絕無師說馬鄭諸人猶及見之因未列學官而莫為之注永嘉之亂已盡亡矣偽孔割堯典慎徽以下為舜典所撰偽序誣伏生以舜典合於堯典而偽傳又故闕舜典一篇以見堯典存而舜典獨亡二篇必不可合為一耳夫作偽者不另撰舜典特省力以藏拙又闕其傳蓋恐偽書太完易滋人疑詐為亡失以售其欺當時以王肅注補之其實王肅本亦不必割慎徽以下為舜典也乃有姚方興者偽造偽孔舜典傳又於篇首增曰若稽古帝舜十二字已見於梁武帝劉炫等夏加濬哲十六字以與堯典起段相配若真有舜典也者然姚劉所

增二十八字其偽易辨卽偽孔割慎微下爲舜典已經闕百詩
惠定宇痛闕後此良庭西莊懋堂淵如諸人咸無異辭其夾可
以無疑矣無如博辯如毛大可因疾朱子並惡攻古文者祖朱
子之說當閻氏作疏證時異甸特記旣作古文冤詞夏作舜典
補亾旣誤讀釋文以爲二十八字出於王注而信以爲真此夾
竊足辨矣乃自四海邊密八音以上斷爲堯典月正元日以
下斷爲舜典緣毛氏讀書多見史記載慎微至四罪於堯本紀而
孟子外如王莽傳允在時張純奏章帝時陳寵言誓在帝初幽
州秀才張髦上疏曰及儀禮疏公羊疏凡引今舜典文而僞堯
典者皆在慎微曰後邊密八音曰堯其月正元日以下則並堯
引僞堯典因較準史記自曰若稽古帝堯至放勳殂落在堯紀

者卽爲堯典自月正元日至舜生三十徵庸在舜紀者卽爲舜
典而月正元日曰堯尙有半截在帝舜紀中因卽取帝舜紀文
在月正元日曰堯者補舜典之亾夫司馬遷以孔安國問故曰
史記證古文自是漢學家灑然毛氏竟曰史記分今文之篇以
定古文之篇則夾在斷之甚者也朱錫鬯夾从毛氏說而欲刪
去姚方輿二十八字取宋書禮志高堂隆所引粵若稽古帝舜
曰重華建皇授政改朔十五字冠於月正元日之上其正斷與
毛氏等雋理堂又因毛氏之說而推廣之謂孔子序堯典云聰
明文思先宅天下將遜于位讓于虞舜作堯典鄭氏注云堯尊
如故舜攝其事又云舜之美事在于堯時居然堯典之界止於
舜攝不闕入舜卽眞以後則毛氏之言信而序舜典曰虞舜側

啟堯聞之聰明將使嗣位歷試諸鷄伯舜典側啟卽側陋歷試諸鷄卽慎微五典云云又倡偽孔分慎微呂下爲舜典者是於是反覆推勘證呂顧命康王之誥伏生夾合爲一篇顧命康王本兩篇非偽孔偽孔與鄭氏分篇各不同鄭氏分王若曰呂下割堯典者可比序曰成王崩康王既尸天子遂誥命諸侯伯康王止誥夾推本顧命因創爲五敘之說謂堯典舜典本是一篇堯典以粵若稽古帝堯爲首以殂落爲終舜典以有鰥在下曰虞舜爲首呂陟方爲終首尾並具了然兩紀而中間互相敘發此文中神品馬遷每效之且於五帝本紀中曰舜攝堯二十八載之事屬之堯而以父頑母嚚及四岳荐舜二女嬪虞屬之舜漢得互敘之情大學傳帝典固合二典而總名之也案雋氏說後出最爲新巧易動人聽竊謂

鄭氏及見真古文其注百篇書序於伏生二十九篇外爲孔壁中十六篇者十六篇并二十九篇共四十五篇合桓君山古共二十四篇而今文二十九篇中古文分盤庚爲三大誓爲三顧命爲二是有三十四篇合之二十四篇共五十八篇合劉向別錄古文五十七篇若今文已有舜典一篇故菽文志所載止五十七篇若今文已有舜典一篇故菽文志則別錄當曰五十九菽文志當曰五十八矣至於所謂今文注二十九篇其中有大誓者乃王伯申氏之說詳見經義述聞注曰逸餘則注曰凶鄭呂有目無書者謂之凶有書而不立學官者謂之逸於舜典之下注曰逸舊唐書經籍志新唐書菽文志始凡茲所稱鄭明其爲孔壁之古文而不在今文堯典中矣注悉見正義所引若在伏生書中則旣立學官且有師說鄭安尋謂中逸哉有此一證已成鐵案百口不能爭矣學者但篤信鄭君而偽孔呂下紛紛割裂皆難知矣俟置中不論可也舜典凶於永嘉後儒系

尋見古文遂謂今文堯典後半敘述舜事已具則蕪所為舜典誠井蛙之見今案趙岐注孟子曰孟子時尙書凡百二十篇逸書有舜典之敘也失其文孟子諸所言舜事皆舜典及逸書所載然則孟子與萬章論舜事其不見於今文堯典中者當為古舜典之文百誠已鄭注舜典序云入麓伐木與納于大麓異義江良庭謂必據逸書舜典為說是可見堯之試舜不僅如慎徽云云至若論語堯曰術舜數語至為精奧高邨李氏疑為古舜典之言偽孔竊取史記所載陶漁焚廩拚井諸事廁之所采堯典之間必古文舜典也毛氏取以補凶雖屬他若高堂隆所引尙書之文或稱中候呂及太平御覽引尙書逸篇堯子丹朱不肖舜使居丹淵為諸侯此類或皆出舜典也

尙書舜典存逸攷

八月分齋課超等第四名周以存

今所傳尙書舜典非孔壁之舊乃偽孔傳分堯典自慎徽以下之文也偽孔書序云伏生以舜典合於堯典復出此篇案漢以來傳伏生書者無此說此偽孔臆造以為分篇之據東晉梅頤上偽孔傳時闕所分之舜典齊姚方興稱於大舩頭得舜典上之其傳則採馬王注造之其經比馬鄭所注多曰若稽古帝舜曰重華協于帝十二字或此下更有濬哲文明溫恭允塞口德升聞乃命以位十六字凡二十八字梁武時為博士議曰孔序稱伏生誤合五篇皆文相承所以致誤舜典首有曰若稽古伏生雖昏耄何容合之案梁武此議雖亦誤信偽孔書序之說然較姚書之偽甚確遂不行用據陸氏釋文說隋開皇初始購得之冠於偽孔所分舜典之首今攷伏生所授之書無舜典孔安國所得壁中之五十八篇

有舜典為多出於伏生書二十四篇之一即鄭康成述古逸書二十四篇之首篇也遭西晉永嘉之亂與伏生書並亡於兵隋書經籍志於是梅頤之徒始造偽孔傳然則舜典一篇自伏生時已亡孔壁所出之舜典又亡於西晉固無所謂舜典也偽孔之分堯典為舜典者蓋據司馬遷史記堯舜二紀之文欲借以關攻摘者之口其意蓋謂遷曾問故於孔安國則遷所傳述者皆古文故不另撰舜典而但於堯典中分出之亦欲使人易信也不知先儒若吳才老朱晦菴陳直齋吳草廬趙子昂諸君子皆皆辨其偽獨近儒毛氏大可為其所愚著尙書冤詞以雪其誣然其說多偏為惠氏古文尙書考王氏尙書後案江氏尙書集注音疏段氏尙書異撰所不取而嘗議其失矣則舜典之逸亡信有徵也然其逸文

往往見於他傳紀或祇稱書曰或並書曰而無之釋其語意似古舜典之逸文如宋書禮志載高堂隆引書段氏玉裁謂書下脫曰字粵若稽古帝舜曰重華建皇授政改朔太平御覽皇部引尙書中候考河命曰粵若稽古帝舜曰重華欽翼皇象案此乃中候之文非古之舜典故不引入孟子書曰祇載見瞽瞍夔夔齊栗瞽瞍亦允若趙岐曰尙書逸篇江氏聲謂當是舜典之文又引書曰浚水警余趙岐曰尙書逸篇案即太平御覽地部引尙書逸篇曰堯子丹朱不肖舜使尻丹淵為諸侯諸侯御覽作諸使徐生班曰當為諸侯蓋隸書侯字輒从人傍故誤為使也今改從徐說案此稱逸篇與趙注此引舜典稱書曰之類也又有不稱書曰者如論語堯曰一節江氏聲謂當在尙書舜典又李氏羣經識小亦云然孟子父母使舜完廩至女其于予治及舜往于田三句不及貢二句惠氏棟江氏聲皆謂為舜典此引舜典不稱書曰之類也然則舜典之逸亡於此可

見且又有確證三漢書儒林傳云司馬遷亦從安國問故遷書載堯典禹貢洪範微子金縢諸篇多古文說按此則遷書所載堯舜二紀之事皆引用堯典之文與舜典無涉如其有之班孟堅作儒林傳何以不並及舜典而祇稱堯典此以見孔安國並未分堯典為舜典也其證一司馬遷撰史記鄭康成王子雍注尚書皆以慎徽以下為堯試舜之文孟子稱二十有八載放勳乃殂落明言堯典偽孔傳分作舜典則與孟子相背謬其證二本惠氏定字說漢書王莽傳後漢書光武時張純奏章帝時陳寵言晉書武帝初幽州秀才張髦上疏以及儀禮疏公羊疏凡引今舜典文皆稱堯典蓋當時學者皆知舜典已亡未有據偽孔傳以引稱者信乎偽孔傳非壁中之書也其證三參用王氏西莊說由此觀

之偽孔傳之分堯典為舜典其謬戾已甚彰著矣而朱氏錫鬯欲依蕭山毛氏之說自四海邊密八音以上斷為堯典月正元日以下斷為舜典刪去姚方輿二十八字以高堂隆引尚書十五字冠於月正元日之上劃為二典說見曝書亭集趙氏雲崧亦謂今舜典邊密八音以前為堯典月正元日以後為舜典不信王氏西莊別有舜典之說說見陔餘叢考又焦氏里堂謂舜典未嘗亡月正元日以前亦無庸補曰若稽古帝堯曰放勳史臣敘堯之首師錫帝曰有鰥在下曰虞舜史臣借眾言即為敘舜之首堯典以曰若稽古帝堯為首以殂落為終舜典以有鰥在下曰虞舜為首以陟方為終首尾並具了然兩紀而中間互相敘發此文中心神品說見尚書補疏蓋皆誤信偽孔序以舜典合於堯典之說反以鄭

氏述古逸書之舜典為不足憑特未及漢書儒林傳並諸所引
 書稱堯典者而細尋繹之耳又顧氏亭林謂古時堯典舜典本
 合為一篇閻氏百詩亦謂本是堯典一篇而兼敘堯舜事並無
 別有舜典之說此則專就伏生之書有堯典而言不信孔壁所
 出之舜典竊謂孔壁之舜典確有可據蓋即孔安國以伏生書
 校之增多之二十四篇世謂之逸篇篇目具在劉歆造三統歷
 班固作律歷志鄭康成注尚書序皆得引之特以當田未立於
 學官故賈逵馬融等雖傳孔學不傳逸篇融作書序亦云逸十
 六篇絕無師說十六篇者合九共九篇為一篇也分之則為二十四然當時學者咸能案
 其篇目舉其遺文翕然皆知為孔氏之逸書參用古文尚書攷說故孫氏
 淵如著尚書篇目表於孔壁古文五十八篇表內鄭述古文二

十四篇表內並載舜典俞氏正變著尚書篇目七篇說於漢志
 古文經四十六卷目內載舜典旁注曰多於馬鄭書四十六卷
 目內載舜典旁注曰逸是皆確有見地信古徵實足正顧闈之
 失然推諸家深信偽孔及堯典分篇之由皆因孔冲遠為之作
 疏故也疏稱逸書二十四篇為張霸之徒偽作蓋欲曲說以誣
 孔壁逸書之偽而申偽孔之真不知張霸之書乃百兩篇漢書
 藝文志不載蓋當時已不傳其書止儒林傳稱其篇或數簡文
 意淺陋以中書校之非是迺黜其書觀此則霸書非二十四篇
 明矣蓋霸書在當時已不能售其欺而其書又不傳冲遠何由
 知其為二十四篇也漢書儒林傳俱在冲遠豈未之見耶特不
 過欲申偽孔故曲為之說耳閻氏百詩王氏西莊皆有辨駁之說其語甚詳又冲遠禮

記緇衣疏云伏生所傳歐陽夏侯所注者爲今文尙書衛賈馬所注者元從壁中所出之古文卽鄭注尙書是也此說與書疏強指爲張霸者大異蓋冲遠亦知二十四篇之爲鄭書故特於禮記疏發之此其說猶見於他疏也至本疏中亦有言及之者堯典我其試哉疏云馬鄭王本皆無帝曰當時庸生之徒漏之然則馬鄭王本卽庸生本亦卽孔壁本此冲遠又不覺無心逗露出來總之冲遠亦知孔傳之非真緣其作疏自不得不用僞孔而黜鄭耳然則鄭本卽孔本僞孔則非真壁中本鄭本之舜典久逸僞孔之舜典則分堯典爲之此不得謂逸舜典之尙存也明矣

尙書舜典存逸攷

八月分齊課
超等第五名 王廷儒

堯典及皋陶謨雖記唐虞之事而其書成於夏史之手故春秋傳引虞書之詞凡十而皆謂之夏書孔疏謂馬鄭王別錄題皆曰虞夏書以夏時之人記唐虞之事故於帝典則曰稽古帝堯於臣謨則曰稽古皋陶也古文復有稽古大禹之文則似印板文字况尤而效之復有曰若稽古帝舜之文耶堯典自慎徽下皆爲一篇觀孟子引二十有八載五句亦曰堯典可見而曰若稽古二十八字其出尤後初出時梁武帝爲齊博士尙能直指其謬後世儒者何又出其下也孔壁古文安國所傳之本本有舜典其書至晉始亡而西京則藏於祕府諸儒多不得見東京傳習者不過數家又無傳注故永嘉之亂其本遂絕今按論語

堯曰咨爾舜五句之文可謂精絕當為古舜典之言而何晏集解孔鄭皆無之何歟觀予小子履下孔注反引墨子為證則知孔注之偽矣豈何氏失采歟

古文尙書舜典存逸攷
八月分齋課
超等第六名 陳培庚

古文尙書舜典之逸其說始于漢人趙邠卿孟子萬章篇注云孟子時尙書凡百二十篇逸書有舜典之敘亡失其文孟子諸所言舜事皆堯典及逸書所載蓋古文尙書雖顯于東漢而未立學官諸儒不必盡見故邠卿云爾鄭康成及見古文舜典書序贊云虞夏書二十篇商書四十篇周書四十篇又云經五十八篇後又亡其一篇故五十七五十八篇者伏生書二十九篇歐陽則太誓分出二篇為三十一鄭用歐陽本又分出盤庚二康王之誥一為三十四益以古文舜典汨作等二十四篇為五十八篇藝文志及別錄所載篇數是也其書東漢時尙存亡于晉永嘉之亂非即今偽尙書慎微五典以下云云

國朝閻若璩惠棟王鳴盛孫星衍諸儒辨之甚悉今考之于左

其持異議者則有毛姓焦循二家亦條辨之

閻若璩尙書古文疏證古文舜典別自一篇與今安國書析堯典爲二者不同孟子引二十有八載放勳乃殂落爲堯典不爲舜典史記載慎微五典至四罪而天下咸服於堯本紀不於舜本紀孟子時典謨完具篇次未亂固的然可信馬遷亦親從安國問古文義言亦未爲謬也云爾惠棟古文尙書考伏生尙書無舜典自粵若稽古以下至陟方乃死皆堯典也古文尙書原只如此故司馬遷鄭康成王子雍皆以慎微五典以下爲堯試舜之文孟子稱二十有八載放勳乃殂落明言堯典梅氏本於慎微五典以下別爲舜典此其省

作舜典一篇巧於藏拙也

王鳴盛尙書後案孔壁所得真古文尙書于伏生外增多十六篇內本有舜典西晉又亡好事者又撰古文乃割堯典慎微以下爲舜典不知王莽傳兩引十有二州皆云堯典光武時張純奏宜遵唐堯之典二月東巡章帝時陳寵言唐堯著典背災肆赦晉武時幽州秀才張髦上疏引肆類于上帝至格于藝祖亦曰堯典劉熙釋名云三墳五典八索九邱今皆亡惟堯典存劉熙時眞舜典已出惟藏秘府熙或未見故云爾如今之慎微五典以下爲舜典熙安得云惟堯典存乎後漢周磐學古文尙書臨終寫堯典置棺前如今本磐安得獨寫堯典乎儀禮注引朴作教刑公羊注引歲二月東巡賈公彥徐彥皆云堯典案洪氏頤焯本

此又引周禮春官注鄭司農云堯典曰帝曰咨四岳有能
典朕三禮僉曰伯夷時邁詩鄭箋書曰歲二月東巡守至于岱
宗柴望秩於山川徧于羣神正義書曰以下堯典文公羊文十
四年疏引堯典曰在璿璣玉衡太平御覽八百四引此句亦作
堯典皆馬鄭正本二
篇合為一篇之證

案如上諸說則今文堯典慎徽五典云云非必古文舜典非
由伏生誤合永嘉所亡乃真舜典孔穎達謂為張霸偽造蓋
未究霸書百兩篇古文書百篇二者自別也疏證又云舜往
于田祗載見瞽瞍不及貢以政接于有庠安知非舜典之文
父母使舜完廩一段文辭古嘯不類孟子本文史記舜本紀
亦載其事其為舜典之文無疑此即趙注所云孟子舜事皆
逸書所載者孫星衍尚書今古文注疏云趙氏雖有此言而
孟子所載舜事不稱舜典未敢遽增今從之故不備具

毛大可舜典補亡自慎徽五典以後至放勳殂落尚是堯典惟
月正元日以後始是舜典春秋戰國間諸書引經凡稱堯典祇
在慎徽五典以後放勳殂落以前在月正元日後則無一語稱
堯典者則真舜典矣

大案春秋戰國時引經稱堯典者雖皆在殂落以前而先鄭周
禮注引堯典曰咨四岳有能典朕三禮則固在殂落後先後
鄭皆治古文古文自有舜典如此語在舜典先鄭何以復稱
堯典耶毛說非是

史記正載二典之全者雖引掇皆不用原文然蹤跡可見自曰
若稽古帝堯起至放勳乃殂落止是堯紀即是堯典自月正元
日起至舜生三十徵庸止是舜紀即是舜典而月正元日以前

尚有舜典半截在帝舜紀中舜紀中焦循尙書補疏序序堯典云聰明文思光宅天下將遜于位讓于虞舜康成注堯尊如故舜攝其事又曰舜之美事在於堯時居然堯典之界止于舜攝不闕入卽眞以後序舜典側微卽側陋有鰥云云歷試諸難卽慎徽五典云云鄭以大麓伐木注之正指納于大麓不特序以慎徽爲歷試諸難卽鄭氏亦以納于大麓爲舜典如伏生合康王之誥顧命爲一篇鄭氏分王若曰以下爲康王之誥堯典之於舜典猶康王之誥之於顧命也舜典未嘗亡月正元日以上亦無庸補也五典曰舜典未嘗亡月正元日以上亦無庸補也案毛以舜典僅逸其半焦以舜典未嘗亡皆出於胸臆壁中書明別有舜典如二家之說則東漢所增永嘉所亡宜何篇

耶序有顧命康王之誥今文合爲一壁中書自爲二篇故杜林衛宏賈逵馬融依而分之壁中舜典自在今文堯典之外何可以康王之誥例也秀水朱氏錫鬯欲依毛說斷分二典而以高堂隆正朔議引書曰曰若稽古帝舜曰重華建皇授政改朔十五字冠月正元日之首段氏玉裁謂其強作解事故知毛焦二說皆不免是矣

尚書彙典存逸攷
 孔子書敘安國古文並有舜典之目後劉向劉歆班固賈逵馬融鄭康成皆述其篇非梅賾姚方興所分之舜典也蓋西京時古文冊在祕府謂之逸書東漢頗崇尚之然亦未立學官故傳注者少遭永嘉之亂孔本以亡至東晉古文晚出而真偽肴矣茲攷傳記所引見存今舜典者如璿璣玉衡太平御覽八百四引放勳殂落春秋解靈五十二引歲二月東巡守時邁箋疏並引伯夷典三禮序官司農注引之類不著于篇至逸文之存于諸傳記中者或稱尚書書曰者載之或絕不稱書而頗類書文者埒焉宋書禮志高堂隆引書曰粵若稽古帝舜曰重華建皇授政改朔太平御覽八十一皇部引尚書中侯考河命作重華欽翼皇象文選承明策秀才文注引尚書中侯作重華建黃授正改朔與沈書異朱錫鬯欲以高堂隆所引尚書十五字冠月

尚書彙典存逸攷

八月分齋課超等第七名楊介康

孔子書敘安國古文並有舜典之目後劉向劉歆班固賈逵馬融鄭康成皆述其篇非梅賾姚方興所分之舜典也蓋西京時古文冊在祕府謂之逸書東漢頗崇尚之然亦未立學官故傳注者少遭永嘉之亂孔本以亡至東晉古文晚出而真偽肴矣茲攷傳記所引見存今舜典者如璿璣玉衡太平御覽八百四引放勳殂落春秋解靈五十二引歲二月東巡守時邁箋疏並引伯夷典三禮序官司農注引之類不著于篇至逸文之存于諸傳記中者或稱尚書書曰者載之或絕不稱書而頗類書文者埒焉宋書禮志高堂隆引書曰粵若稽古帝舜曰重華建皇授政改朔太平御覽八十一皇部引尚書中侯考河命作重華欽翼皇象文選承明策秀才文注引尚書中侯作重華建黃授正改朔與沈書異朱錫鬯欲以高堂隆所引尚書十五字冠月

正元日之首以代姚方興二十八字錢曉徵段懋堂均辨其非
 矣曉徵以為高堂隆所引脫中候二字懋堂以為書緯之文似
 此文非舜典矣而江良庭尚書集注音疏以為中候所云必出
 於尚書并以此為舜典之文今從之至王延壽魯靈光殿賦
 云粵若稽古帝漢祖宗帝宗帝欽明王粲七釋亦云濬哲文昭允
 恭元塞毛大可宛詞引以為偽書之證然究非舜典元文也
 太平御覽地部三十五引尚書逸篇云堯子丹朱不肖舜使居
 丹淵為諸侯案御覽所引本於北齊之脩文殿御覽其時孔氏
 古文蓋未亡也惟諸侯李昉等引作諸使徐璠謂
 當為諸侯劉歆三統歷亦作諸侯而云堯使處丹淵江良庭本
 孟子說以為舜順堯之命得其義矣而良庭又以此條疑亦
 舜典之文今從之孟子萬章篇云書曰祇載見瞽瞍夔夔齊栗瞽瞍亦
 允若案孟子萬章篇云帝使其子九男二女趙注曰孟子時尚
 書凡百二十篇逸書有舜典之敘亡失其文孟子諸所言
 事皆堯典及逸書所載據此則孟子所引古堯典者多為今舜
 典也此文則趙注以為尚書逸篇焦里堂孟子正義云此引書
 不見二十八篇之中故為逸篇蓋亦舜典文也閻百詩尚書古
 文疏證王西莊尚書後辨並以此為舜典文偽書間採以增太
 謬矣此皆稱書而可指為舜典者也論語堯曰篇云咨爾舜天

之口數在爾躬允執其中四海困窮天祿永終王西莊江良庭
 並以此為舜典
 文李孝臣羣經識小說舜典同劉楚楨論語正義本江良庭
 說並云東晉古文入之大禹謨可謂明於古今真偽之故矣孟
 子萬章篇云舜往于田號泣于天于父母閻百詩以此為舜
 引虞書云仁覆閔下則解曰天五經異義引古尚書說同竊以
 舜往于田三句當如閻說以為舜典文仁覆閔下二句當如江
 江說以為孔又萬章篇云父母使舜完廩捐階瞽瞍焚廩使浚
 井出從而掩之象曰謨蓋都君咸我績牛羊父母倉廩父母干
 戈朕琴朕張朕二嫂使治朕棲象往入舜宮舜在牀琴象曰鬱
 陶思君爾惻惻舜曰惟茲臣庶女其于子治閻百詩以為文辭
 文其為舜典之文無疑江良庭據孟子下章解舜流共工于幽
 州云云實是堯典之文其實史記舜本紀亦載此事雖文辭多
 所增竄然亦當又萬章篇云不及貢以政接于有庠趙邠卿謂
 為舜典文也皆尚書逸篇之辭江良庭斷自不及貢始以為尚書逸篇今據
 以訂正閻百詩以此為舜典文焦里堂申注云趙氏蓋亦以此

經解

文在舜此皆不稱書而可疑為舜典者也以上凡七條其僞書者則具錄而疏證之其不僞書者則附列而審訂之本近人之說參以己意而折衷於江良庭尚書逸文者尤多云至毛大可取史記塗廩穿井元愷四凶之類魏默深引史記孟子書大傳均作舜典補亡篇製雜屨亦嫌專輒耳

尚書舜典存逸攷

八月分齋課 趙等第八名 高崇煦

舜典逸文存于論語孟子者為可信江氏聲錄逸文據宋書禮志高堂隆引書粵若稽古帝舜曰重華建皇授政改朔以為似舜典篇首之文又據考靈耀曰放勳欽明文思晏晏是堯典之文以况此粵若稽古云云又據太平御覽七十卷地部三十五引尚書逸篇云堯子丹朱不肖舜使尻丹淵為諸侯以為亦是舜典之文今案此二條不足據也段氏玉裁古文尚書撰異云高堂隆所引書乃書緯之文古人僞引多有以緯書及經說僞經者此十五字首九字即姚方興所上十二字之藍本而贅以協于帝三字則緯書擬堯典居然一例錢氏曉徵宋書攷異云攷太平御覽八十一卷引尚書中候攷河命云曰若稽古帝舜

曰重華欽翼皇象又李善文選注引尙書中候云建皇授政改朔是此一十五字皆出中候高堂隆所引偶脫中候二字朱錫鬯欲移此文於舜典之首以代姚方興二十八字殆非也據段錢二說則緯書未可信也宋陳振孫書錄解題云修文殿御覽三百六十卷北齊尙書左僕射祖珽等纂又云太平御覽一千卷翰林學士李昉扈蒙等纂以前代修文御覽諸書參詳條次修纂或言國初古書多未亡以御覽所引用書名故也其實不然特因前代諸家類書之舊爾據此則太平御覽增多北齊原書者六百四十卷又係類書託體甚卑則御覽地部所引逸篇亦未可信也孫氏星衍尙書今古文注疏凡例云尙書佚文見于先秦經傳諸子及漢人所引有篇名可攷者各附書序並存

原注其僅稱書曰書云者或不必盡是尙書或是逸周書及周書六弼不便採入據此知御覽地部所引逸篇孫氏亦不信也閻氏若璩尙書古文疏證卷二第十八條云嘗疑舜往于田祇載見瞽瞍與不及貢以政接于有庠等語安知非舜典之文乎又父母使舜完廩一段文辭古崛不類孟子本文史記舜本紀亦載其事其爲舜典之文無疑王氏鳴盛尙書後辨云安國於堯典之外又有舜典如論語天之口數孟子祇載見瞽瞍皆舜典文段氏玉裁古文尙書撰異云孟子時百篇未亡舜不告父母而娶帝不預告舜而妻之以及焚廩浚井云云皆百篇中語據閻段二說則逸文之存于孟子者六據王氏說則逸文之存于論語者一今以論語孟子爲本而不取江氏以守蓋闕之義

注作建黃授正改朔與此文異江氏聲尙書集注音疏謂建黃當作建皇得之段氏玉裁古文尙書撰異以爲黃誤作皇恐不盡然以御覽及文選注觀之則高堂隆所引乃書緯之文似非舜典逸文也惟江氏聲以爲據粵若稽古云云似舜典篇首之文亦爲有見朱錫鬯同毛大可說欲移此十五字冠於月正元日之首錢竹汀曾著論非之矣

太平御覽七十卷地部三十五引尙書逸篇云堯子丹朱不肖

舜使居丹淵爲諸侯

侯御覽作使誤依徐廷說訂正

案江氏聲尙書集注音疏云太平御覽大半本之於北齊修文殿御覽在北齊時孔氏古文蓋未亡故得引之也又云孔氏古文有舜典此條疑亦是舜典之文

孟子萬章篇引書曰祇載見瞽瞍夔夔齊栗瞽瞍亦允若

案趙岐注尙書逸篇焦氏循孟子正義云此引書不見二十八篇之中故爲逸篇蓋亦舜典文也閻氏若璩尙書古文疏證王氏鳴盛尙書後辨並以此爲舜典文江氏聲因之蓋孟子所引書多出堯典亦卽多出於今舜典如放勳乃祖落之類是也

右三條係經傳並稱書者

孟子萬章篇云不及貢以政接于有庠

案趙岐注此常常以下皆尙書逸篇之辭焦氏循正義云趙氏蓋亦以此文在舜典中也江氏聲則斷自不及貢始以爲尙書逸文竝云孟子不傳書曰終是疑誼亦蓋闕之惛然闕

氏若璩亦以爲舜典文或當有見今姑存之下同
右一條係經不稱書而傳稱書者

論語堯曰篇云咨爾舜天之口數在爾躬允執其中四海困窮
天祿永終

案江氏聲尙書集注音疏云此堯將禪位而命舜之詞當在
尙書舜典王氏鳴盛尙書後辨李氏惇羣經識小然以爲舜
典文僞古文採以入大禹謨謬矣

孟子萬章篇云舜往于田號泣于天于父母

案閻氏若璩尙書疏證以此爲舜典文說文日部引虞書云
仁覆閔下則儻口天江氏聲以爲不類尙書之文必是孔君
書傳焦氏循亦本其說此爲近之

又萬章篇云父母使舜完廩捐階瞽瞍焚廩使浚井出從而掩
之象曰謨蓋都君咸我績牛羊父母倉廩父母干戈朕琴朕箴
朕二嫂使治朕棲象往入舜宮舜在牀琴象曰鬱陶思君爾惻
惻舜曰惟茲臣庶女其于予治

案閻氏若璩尙書疏證云父母使舜完廩一段文辭古崛不
類孟子本文史記舜本紀亦載其事而多所增竄不及原文
遠甚又云此一段其爲舜典之文無疑毛奇齡魏默深茲取
史記塗廩穿井之說以作舜典補亡據此則此文當屬舜典
矣江氏聲據孟子下章儻舜流共工於幽州云云以爲是堯
典之文殊不盡然

右三條係經傳不稱書而近儒疑爲舜典者

齊三科辭辭辭不辭書而後謝梁為典咨
 典之文表不盡然
 矣其用辭辭辭不章辭辭辭其工氣辭辭之
 史詩筆與辭辭之氣以辭辭辭辭辭辭辭
 辭辭又志世一與其辭辭典之文辭辭辭
 辭辭千本文史辭辭本辭辭其辭而辭辭
 樂辭天辭辭辭辭辭辭辭辭辭辭辭辭辭
 辭辭曰辭辭辭辭辭辭辭辭辭辭辭辭辭
 辭三數辭辭辭辭辭辭辭辭辭辭辭辭辭
 之果曰辭辭辭辭辭辭辭辭辭辭辭辭辭
 又黃辭辭天父辭辭辭辭辭辭辭辭辭辭

今尚書所載之舜典非孔壁舜典之舊故近儒斥偽古文者咸
 闢之閻百詩云逸書舜典久亡今舜典原只是堯典一篇魏晉

間始析為二然慎徽五典直接帝曰欽哉之下文氣連注如水

之流雖有利刀亦不能截之使斷惟姚方輿出妄以二十八字

橫安於中而遂不可合矣案東晉元帝時梅頤上偽古文尚書

傳因取肅注堯典從慎徽五典以下分為舜典其篇首曰若稽

古帝舜曰重華協于帝十二字則齊明帝時姚方輿所造濬哲

文明至乃命以位十六字又隋學士劉炫惠定宇云伏生尚書

無舜典自曰若稽古帝堯至陟方乃死皆堯典也古文尚書原

書只如此故司馬遷撰史記鄭康成王子雍注尚書皆以慎徽

五典以下為堯試舜之文孟子稱二十有八載放勳乃殂落明

言堯典梅氏本於慎微五典以下別為舜典案梅氏本亦闕舜典一篇則梅亦未分慎微五典以此其省作舜典一篇乃巧於藏拙也不顯與孟子相刺謬乎王西莊本此於孟子外備引王莽傳光武時張純奏章帝時陳寵言晉武帝時幽州秀才張髦疏及劉熙釋名儀禮公羊疏以證今舜典為堯典於是學者著書皆以孔壁古文之舜典為己亡今所存者非舜典矣毛氏大可則謂慎微五典以下至放勳殂落尚是堯典惟月正元日以後始是舜典春秋戰國間引經凡稱堯典祇在慎微五典以後放勳殂落以前在月正元日以後則並無一語稱堯典者則此真舜典矣史記五帝本紀正載二典之全者雖引掇皆不用原文第襲其大略然踪跡可攷今較史記二帝紀則曰若稽古帝堯起至放勳乃殂

落止是堯紀即是堯典至月正元日起至舜生三十載徵庸止是舜紀即是舜典而月正元日以前尚有舜典半截在帝舜紀中因取帝紀文在月正元日以前者作舜典補亡一篇而篇首二十八字仍用今舜典文毛信二十八字為真古文故取為冠於是朱竹垞焦里堂亦因其說第朱則終疑濬哲以下十六字為偽而欲取魏博士高堂隆所稱曰若稽古帝舜曰重華建皇授政改朔十五字為篇首焦則稍變毛氏之說謂舜典之於堯典猶康王之誥之於顧命兩篇互相敘發而仍首尾畢具大學引克明峻德稱為帝典帝兼堯舜言之蓋以一篇言則曰帝典以二篇言則邊密入音以前為堯典月正元日以後為舜典舜典故未嘗亡亦無庸補以余攷之舜典固存者半逸者亦半全以為存全以為逸

二者皆偏執之說也夫自慎微五典以下至過密八音皆堯試
舜與堯崩之事諸先生以為堯典原文當矣然月正元日舜格
文祖即位以後咨岳牧命九官皆堯崩後之事且前此不稱帝
此後皆稱帝曰明是帝典序文豈得俱指為堯典其末陟方乃
死一節更係總結舜之始終與堯無涉而可謂之堯典乎則伏
生誤合舜典於堯典孔安國書序之言信而有徵馬鄭王肅注
並以爲堯典者特沿伏生之誤耳月正元日以後爲舜典之存
者而其散逸之半猶時時見於他書今即舉論語孟子言之論
語引堯曰咨爾舜云云江氏尚書集注首疏李氏群經識小並以爲舜典佚文孟子引書
曰祇載見瞽瞍三句趙注云尚書逸篇其爲舜典逸文無疑趙岐注孟子尚書凡百二十篇逸書有舜典之序亡失其文孟子諸所言舜事皆舜典及逸書所載然則所稱完廩于田諸事皆舜典也

今以未稱如以舜典爲全然完具則此所云堯曰書曰者果出
何書乎故余謂舜典存者半逸者亦半也雖然毛氏以月正元
日以下爲舜典之半而據史記所載舜事以補前半舜典之亡
則又不可何則司馬遷嘗從安國問故習古文家言其史記所
紀舜事雖亦間出於尚書然遷自言其據古文及五帝德帝系
姓春秋國語百家言擇其尤雅者著爲本紀則所稱亦未必盡
舜典之逸即舉元愷流四凶一段確然本諸春秋左氏傳若盡
取以補舜典之闕是使僞者轉得而亂真也且篇首二十八字
明係姚方輿等所造即陸德明亦不之信而必斷以爲真古文
據王延壽魯靈光殿賦王粲七釋謂漢末先有引用者王肅范
甯尚書注亦俱有其文詳尚書古文冤詞不尤誣乎朱竹垞遺書駁之

見曝書亭集

而惠定宇謂適以證成方輿之罪

詳尙書古文攷

其言當矣若

朱氏欲探高堂隆所引十五字列於篇首則錢曉微段懋堂皆

非之錢說見宋書攷異

蓋此十五字出書緯正為方輿作偽之

藍本今既以彼為偽而以此易之是仍為方輿所欺而已總之

秦火而後典籍淪亡伏生所口授既難免記憶之譌孔壁所入

藏又豈無斷殘之患學者第信其所可信而於存者獨守之闕

其所可疑而於逸者姑俟之可矣奚用紛紛多事哉

尙書舜典存逸攷

八月分齋課特等第五名 劉傳鏞

舜典逸不可攷久矣姚方輿二十八字之偽前人已辨之甚詳

卽帝曰欽哉與慎徽五典云云文義相承亦人所易見不必攷

者請卽篇中言帝之字攷之堯典首記曰若稽古帝堯以下皆

以帝稱堯而不斥言堯作偽者妄分慎徽以下為舜典而不知

舜典為虞史宜稱帝不宜稱舜與堯典同例今堯典言帝而舜

典獨言舜豈史例乎且舜典記舜事而云二十有八載帝乃殂

落則殂落者為堯乎為舜乎前章稱舜謂堯在猶可也而何以

既殂落矣猶稱舜曰而不稱帝乎此明是堯典之文而作偽者

妄分不察遂至駁雜分歧乖違義例若此孟子萬章篇云堯典

曰二十有八載放勳乃殂落百姓如喪考妣三載四海邊密八

首是孟子時所見之尙書明爲堯典今此文乃入舜典顯與孟子不合且僞傳以放勳爲放上世之功化妄改此處放勳二字爲帝而不察春秋繁露說文帝王世紀漢書王莽傳所引皆作放勳與孟子合也史臣之紀堯也以放勳始以放勳終紀舜之卽眞也以舜始以舜終文法嚴密不可紊亂如是再以史記攷之凡今舜典所載察璣衡定巡狩封山濬川制刑法誅四凶等事皆在堯本紀中遷從安國問故而作堯紀如此可知古文堯典不出釐降二女而止也作僞者悍然不顧而姚方興劉炫又妄益之以二十八字之文至孔氏作疏尊而用之無復異議而古本遂不可復矣或曰堯典稱舜是矣而舜命九官之文又稱爲帝何也曰堯已殂落稱帝無所嫌也然命官之首猶必冠以

舜曰二字明此爲堯典紀堯之事故特書舜曰以別之若舜典則當始終稱帝不宜以舜始而以舜終也篇末復稱舜生云云以總括舜之本末堯之功德在舉舜一事故統舜徵庸在位之年而總言之至陟方之後四海哀慕諸事不敘及一語以其事在舜典不應於堯典中詳之史例然也今舜典佚不可攷趙岐注孟子謂孟子時尙書凡百二十篇逸書有舜典之敘亡失其文孟子諸所言舜事皆舜典及逸書所載舜典今本孟子注疏誤爲堯典段氏玉裁之闕氏百詩謂父母使舜完廩一段文詞古崛不類孟子本文史記舜本紀亦載其事其爲舜典文無疑與趙岐注合蕭山毛氏以四海邊密八音以上爲堯典月正元日以下爲舜典朱錫鬯據其說又增宋書高堂隆所引書曰若稽古帝舜曰重華建

孟子萬章篇引書曰祗載見瞽瞍夔夔齊栗瞽瞍亦允若趙邠卿云尙書逸篇閻百詩焦里堂江良庭魏默深杜以爲舜典詳尙書古文疏證孟子正義尙書集注音疏舜典補亡此其可據者也有不引書而亦可疑爲舜典者左傳文十八年高陽氏有才子八人一段毛大可以爲舜典詳舜典補亡又十八年帝鴻氏有不才子一段毛大可以爲舜典詳舜典補亡又十八年帝鴻氏有不才子一段毛大可以爲舜典詳舜典補亡今舜典同江良庭尙書逸文以爲堯典文不盡然也論語堯曰篇云咨爾舜天之口數在爾躬允執其中四海困窮天祿永終王西莊江良庭李孝臣劉楚慎魏默深杜以爲舜典詳尙書古文疏證孟子正義尙書集注音疏羣經識小論語正義舜典補亡偽古文取以入大禹謨所謂欲蓋彌彰者也孟子萬章篇云舜往于田號泣于口天子父母閻百詩以爲舜典詳尙書古文疏證又父母使舜完廩一段閻百詩以爲舜典詳尙書古文疏證又父母使舜完廩一段閻百詩以爲舜典詳尙書古文疏證

可魏默深杜取又云不及貢以政接于有庫趙邠卿以常常以下皆尙書逸篇今依江良庭說閻百詩焦里堂魏默深杜以爲舜典詳尙書古文疏證孟子正義舜典補亡又堯崩三年之喪畢至踐天子位焉又舜尙見帝至迭爲賓主尙書大傳維元祀至葬于蒼梧之野魏默深杜以爲舜典詳舜典補亡此其不盡可據者也

